

衡岳志 卷之七

文林郎知衡山縣事蜀閬中朱 衮重修

楚襄陽袁 奩編纂

龍陽彭遐齡

儒學

宜都李呈玉分校

詩章

詩以景著亦以地勝衡山僻處南荒為才士名流所鮮至故唐宋以來作者寥寥而勝國以及

昭代數十年內登大雅之壇奪騷工之幟者亦鮮有

宏聲壯采向雄峯而問鼎焉甚矣詩之難也茲斷

衡岳志

五言古

卷之七

一

自鄧志以後旁蒐幽討以補其所未備不泥古而非今不信耳而疑目琅琅乎稱夜光之圃玉樹之林矣至于緇黃者流居山既靜亦間有吟咏可傳者何忍聽其銷沈表而出之另為一則猶之南華之外篇也志詩章 續補

五言古詩

登南岳

魏劉 楨

文鳳集南岳徘徊孤竹根于心有不厭奮志凌紫氛豈不常心苦羞與黃雀羣何時當來儀將順聖明君

望衡岳

晉庾 闡

北眺衡山首南睨五嶺末寂坐挹虛恬運目情四豁
翔翻凌九霄陸鱗困濡沫旣體江湖幽安識南溟澗
巖下
宋謝靈運

衡山採藥人路迷糧亦絕過息岩下坐正見相對說
一老四五少仙隱不可別其書非世教其人必賢哲

別爰入衡

梁范雲

孤烟起新豐候鴈出雲中艸低金城霧木下玉門風
別君河初滿思君月屢空折桂衡山北摘蘭湘水東
蘭摘心焉寄桂折意誰通

送女道士褚三清遊南岳 唐李白

衡岳志

五言古

卷之七

二

吳江女道士頭戴蓮花巾霓衣不溼雨特異陽臺神
足下遠遊履交波生素塵倦尋向南岳應見魏夫人
贈衡岳僧方外 李白

衡山有開士五峯秀真骨見君萬里心海水照秋月
大臣南溟去問道皆請謁洒以甘露言清涼潤肌髮
湖海落天鏡香閣凌銀闕登眺餐惠風新花期啓發
遊南岳過漢陽別浮屠談皓 李白

秦欺趙氏璧却入邯鄲宮本是楚家玉還來荆山中
丹彩瀉滄溟清輝凌白虹青蠅一相點流落此時同
卓絕道門秀談玄乃支公延蘿結幽居剪竹繞芳叢

涼花弗戶牖天籟鳴虛空憶我初來時蒲萄開景風
令茲大火落秋葉黃梧桐水色夢沅湘長沙去何窮
寄書訪衡岳但與南飛鴻

望岳

杜甫

南岳配朱鳥秩禮自百王歟吸領地靈鴻洞半炎方
邦家因祀典在德非馨香巡狩何寂寥有虞今則亾
洎吾隘世網行邁越瀟湘渴日絕壁出漾舟清炎旁
祝融五峯尊峯二次低昂紫蓋獨不朝爭長業相望
恭聞魏夫人羣仙挾翱翔有時五峯氣散落如飛霜
牽迫限修途未暇杖崇岡歸來覲命駕沐浴休玉堂

衡岳志

五言古

卷之七

三

三嘆問府主曷以贊我皇牲璧忍衰俗神其思降祥

題辛道士衡岳房

儲光羲

全神不言命所尚道家流迨此遠商楚遂令思北遊
先生秀衡岳玉立居玄北門帶江山靜房隨瑤艸幽
逍遙三花發罔象五雲浮自有太清紀曾坐艸髮憂
大年方橐籥小智卽蜉蝣七日赤龍至莫令余獨留

南岳

劉禹錫

東南地益卑維岳資柱石前當祝融居上拂朱鳥翮
青冥結精氣磅礴宣地脉還聞膚寸陰能致彌天澤

石鼓合江館

柳宗元

九疑濬傾莽臨源委滌迴會合屬空曠泓澄停風雷
高館軒霞表危樓凌山隈茲辰始澄霽織雲盡寒開
天秋日正中水碧無塵埃宵二漁父吟叫二羈鴻哀
境勝豈不豫慮分固難裁升高欲自舒彌使遠念來

合江亭

韓愈

江亭枕湘江蒸水會其左瞰臨眇空澗綠淨不可唾
惟昔經營初邦君實王佐剪林遷神祠買地費家貨
梁棟宏可愛結構麗匪過伊人去軒騰茲宇遂頽挫
老郎來何暮高唱久乃和樹蘭盈九畹栽竹逾萬箇
長綆汲滄溟幽蹊下坎珂波濤夜俯聽雲樹朝對卧

初如遺宦情終乃最郡課人生誠無幾事往悲豈那
蕭條縣歲時契濶繼庸懦勝事復誰論醜聲日已播
中丞黜凶邪天子憫窮餓君侯至之初問里自相賀
淹滯樂閑曠勤苦勸慵惰爲予掃塵階命樂醉衆坐
窮秋感平分新月憐半破願書崑上石勿使塵泥澗

齋竹

陳子昂

龍種生南岳孤翠鬱亭二峯嶺上崇翠烟雨下冥二
夜聞鼯鼠叫晝聒泉聲春風正淡蕩白露已清冷
哀響激金奏密色滋玉英歲寒霜雪苦含彩獨青二
豈不厭凝冽羞比春木榮春木有榮歇此節無凋零

始願與金石終古保堅貞不意伶倫子吹之學鳳鳴
遂偶雲和師張樂近天庭妙曲方千變簫韶亦九成
信蒙彫琢美常願事仙靈驅馳翠虬駕伊鬱紫鸞笙
結交羸臺女吟弄昇天行攜手登白日遠遊戲赤城
低昂玄鶴舞斷續彩雲生永隨衆仙去三年遊玉京

石困峯

劉長卿

前山帶秋色獨住秋江晚疊嶂入雲多孤峯去人遠
夤緣不可到蒼翠空在眼渡口問漁家桃源路淡淡

岳麓

李備

江南得春早二月已可扇維舟就林樾杖策瞰危巘

峯回岍容改路匝山腰轉尋幽得深徑稍適遂忘倦
儒宮迴清肅環堵抱山院向來講道地遠爾經鬪戰
斷荒出遺址構木聳層殿開門俎豆陳酒薄時再奠
金聲絕遺響吾道僅一線魏冠敦朴在尚手不釋卷
陳公早知道壯志鋼百鍊嗟予亦何幸謬接金闥彥
過眼無相親抱璞羞自獻徜徉趨聖域感慨清淚濺
圓鑿受方枘初心本無辨強顏甘襤襪忍辱徒墜面
登堂坐未暖駒陰似過箭嗚然仰天呼物態從萬變
黏枯蝸壳癡得雋蛇龍健歸來登吾舟長江淨如練

遊岳麓寺

宋張栻

遊觀不作難呼舟度清泚新晴宿潦淨羣山摠如洗
上方着危欄萬象見根抵寒泉自可斟况復雜餽醴
高談下夕陽邂逅玄鑰啓中流發浩歌月色在波底

登上封寺

張 栻

我尋西園路徑上封寺竹輿不畱行及此秋容霽
磴危霜葉滑林空山菓墜崇蘭供清芬深壑遞幽吹
不知山益高但覺冷侵袂路回屹陰崖突兀聳蒼翠
故應祝融尊羣峯拱而峙金碧雖在眼勇往詎容憇
絕頂極遐觀脚力聊一試昔遊冰雪中未盡登臨意
茲來天宇肅舉目淨纖翳遠邇無遁形高低同一跡
此理復何窮臨風但三喟

衡岳志

五言古

卷之七

六

晨鐘動雷池望日

張 栻

水惟元化功清濁分萬類運行有機緘浩蕩見根抵
此理復何窮臨風但三喟

中夜祝融觀月

張 栻

披衣凜中夜起步祝融巔何許冰雪輪皎皎飛上天
清光正在手空明浩無邊羣峯儼環列玉樹生瓊田

白雲起我旁兩腋風翻一舉酒發浩歌萬籟爲寂然
寄言平生爰誦我山中篇

同元晦擇之遊岳道遇大雪 張 栻

驅車望南岳羣山互參差微風忽南來雲幕爲四垂
炎官挾蓐收從此萬玉妃庭熒亦何有尺璧仍珠璣
奇貨吾敢居妙意良自知林巒倏變化輒迹平高低
喬松與脩竹錯立呈瑰姿清新足遐寄浩蕩多餘思
平生湘南道未省有此奇况復得佳爰晤言相追隨
茅簷舉杯酒旅榻誦新詩夏約登絕頂同觀霽色時

遊南岳風雪未已決策登山 張 栻

衡岳志

五言古

卷之七

七

人言南山巔烟雲聳樓觀俯瞰了坤倪仰攀接天漢
勇往愧未能長吟湘水畔茲來渺遐想風雪豈中斷
行一重行一敢起白晝歎我聞精神交石裂冰可泮
陰沴驅層雲杲日麗旭旦決策君勿疑此理或通貫

自西園登山 張 栻

雨後溪重碧水落山增明西風肅羣物感此秋氣清
振衣千崖表俯瞰萬籟生匪云幽遐慕政爾未忘情

風雪未已決策登山 朱 熹

披風蘭臺宮看雨百常觀安知此山雲對面隔霄漢
群陰匝寰區密雪渺天畔我一雪中山心眼悽欲斷

吾人愛奇賞，逋發臨河歎。我知沍寒極，見睨今當泮。
不須疑吾言，第請眎明旦。蠟屐得鷹行，籃輿或魚貫。
大雪馬上次韻

朱熹

仙人喬岳頂，散髮吹參差。喚我二三爻，集此西南坐。
列筵命洛公，俯坐迎江妃。導之千羽旄，投之萬壁幾。
繽紛一何麗，晻靄難具知。眾真亦來翔，恍覺丹青低。
茫々雲霧合一，一瓊瑤姿回首謝世人。千載空相思。
吾衰怯雄觀，未敢探此奇。短衣一匹馬，幸甚得所隨。
天寒飲我酒，罷廢君詩人。生易南北復，此知何時

憶南岳

明楚憲王

衡岳志

五言古

卷之七

八

衡岳高峩々，根盤幾百里。危峯仰層霄，巨岳奠南紀。
空中紫蓋停雲外，芙蓉峙我嘗欲神遊乘風振遐舉。
一覽洞庭秋瀟湘在眼底。

步石鼓書院壁間文公韻

鄒守益

江西人
翰林院

宇宙一逆旅，驅車慎無左。鸞鳳乃膾炙，豺狼或笑噬。
卓矣臥龍翁，抱膝睨王佐。向非魚水歡，櫝玉豈易貨。
督餉出三湘，雲鳥時一過。炎德雖未恢，忠貞詎肯挫。
後來子韓子，古調亦寡和。赤幟排佛老，魏晉能幾箇。
山陽與海潮，百折甘坎坷。廓清評武事，老羆當道臥。
南渡得朱張，絕學最上課。元氣天所培，僞禁理則那。

太極剖南山賁育鼓群懦譬彼百畝菑閔 = 勤種播
豈無來年積拯此泮水餓艾此始岳遊逢奇輒自賀
裏古追千里中道敢云惰邦君時虛席群彥燦盈坐
丸合器猶小千駟夢已破稽首江漢決皜 = 安可澗

觀音岩

劉某

號水澄翰
林院

試看觀音岩塊磊叠奇石屋角瀑布寒松根靈芝碧
好鳥噪山花高僧來遠客乍逢開笑顏相別不相識

觀音岩

朱某

號思齋巡
按御史

兩日盡幽奇岩前坐苔石老僧來籙 = 修看雙眼碧
結盡烟霞緣笑我風塵客攀留論真如應愧不相識

嘉會堂

湛若水

甘泉兵
部尚書

二賢竝世生于此際嘉會七日與朋來酬言固尚在
我生何不辰獨立無朋輩憶昔陽明子相期將有待
時勢倏變更至今有遺悔二賢祠下樹勿剪以勿敗
毋使我心傷心傷重感慨

入岳登楊太學生讀書堂

湛若水

天風吹月桂飄 = 襲我裳試問此何里荅云桐木岡
命僕且停車登陟桐岡堂滿庭松桂發善士本來香
采花勿采枝采枝恐枝傷何以恐枝傷管人所遺芳

卜築

湛若水

遙_二起天柱巍_三南臺下于茲結雲松以下我精舍
芳隣接五峯神明見中夜諸子來端居無玩亦無捨
小憇祝先兜率二寺
湛若水

祝先與兜率自合爲室閭梵堂隱鐘磬一逕何縹紆
竹木夾徑幽山色遶前除一飯乞分米出門還踟躕
宿南臺寺
湛若水

秋高感搖落名山窮日登息徒憇南臺寺古風冷_三
髯翁作人拜風伯送秋聲時序旣如此大當法天行
祝融峯
湛若水

我年躋八十強半裏衡山于茲愜所願誰能不爲歡
衡岳志 五言古 卷之七 十
霧行衣袂溼雲臥衿枕寒清高萬籟寂神明中夜存
一聲聞天雞紅日躍海門
紫蓋峯
湛若水

誰能張紫蓋杳_二來空中雙_三逼人清對待兩碧瞳
我來待高秋飄然御天風前驅二彩鳳乘予一蒼龍
又
湛若水

洞天三十六朱明對朱陵放腳開雲霞信手推天扇
香爐曉煙散紫蓋中天擎羣嶽起石磴一水自冷_二
揖謝朱陵君借予地一亭

玄明洞

湛若水

玄明于衡岳奇勝是初貢仙居對朱明陰陽互藏用
玄明夏避暑朱明冬過凍寒燠各以時日月迭迎送
時聞景陽鐘風吹過陰洞

岳麓憶朱張

王守仁

伯安新建伯
兵部尚書

客行長沙道山川鬱稠繆西探指岳麓凌晨渡湘流
踰岡復陟巘弔古還尋幽林壑有餘采昔賢此藏脩
我來寔仰止匪伊事盤遊衡雲開曉望洞野浮春洲
裹我二三爻伐木增離憂何當此來聚道誼日相求

又

王守仁

林間憇白石好風亦時來春陽熙百物欣然得予裹

衡岳志

五言古

卷之七

十一

緬思兩夫子此地得徘徊當年靡童冠曠代登堂階
高情詎今昔物色遺吾儕願謂二三子取瑟爲我諧
我彈尔爲歌尔舞我與偕吾道有至樂富貴真浮埃
若時秉大化勿愧點與回

又

王守仁

陟岡採松柏將以遺所思勿採松柏枝兩賢昔所依
緣峯踐臺石將以望所期勿踐臺上石兩賢昔所躋
兩賢去邈矣我爻何相違吾斯未能信役二空爾疲
胡不此簪盍麗澤相邀嬉渴飲松下泉饑餐石上芝
偃仰絕餘念遷客難久稽洞庭春浪濶浮雲隔九疑

江洲滿芳艸目極令人悲已矣從此去奚必茲山爲
戀繫乃從欲安土維隨時晚聞與有得此外吾何知
開雲堂
嚴 嵩 分宜人 大學士
寤寐名山遊茲夕山下宿虛館絕浮埃沈 在幽谷
瞳隴星映除颯爽風動木耳目澹無營靜嘿寡所欲
院寂凝清香更長續明燭慚無昌黎誠晴晦安可卜
明發戒僕夫願恣雲霞矚

又

夜聞臺端檄欲駐湘中船良遊匪夙約茲會豈天緣
狂思忽如醒攬衣不得眠紙牕露微月髣髴至我前

衡岳志

五言古

卷之七

十三

紅日出東方曉山映澄鮮高吟振衣去期子層雲巔

荅甘泉遊岳

蔣

信

道林副使

秋風飄雲裾採藥過衡麓繡袍天上使攬轡來何速
一爲帝文曲皇 宣化育一爲帝執法秉鉞鎮南陸
竝負鍾鼎姿不數連城玉開筵列佳脩傾論侈前躅
朱輪故遲 促席仍言宿迂踈髮已短啜馨固所欲
偶結山中懽渴襟豈應足

兜率峯

孫應鰲

副使

孤界抗長暉淨綠愜幽甸路絕徑仍通流芳突舒顯
山際萬木叢岩端一樓見豈不畏詰屈偶此脫浮戀

萃風起豐茸層嶺發葱蒨耳目信韜映物外復誰擅
振衣千古豪歷落迥英盼

衡山二首

孫應鰲

山岳鍾神秀衡霍美今昔春服結勝遊時景會有適
徜徉坐晴林綢繆倚幽石捐珮意非遠釋采情自赤
浮螭不知年寸晷煩憂積願以和靜心一得混茫迹
壤父歌道中耕鑿更何擇

又

孫應鰲

老氏有高蹤不爲屈玄纁法貞身難見惟有名可聞
誰能混泥淖所志希青雲開軒敞萃宿歸僻藏靈文
步虛夜愈靜時禮祝融君山北撫喬賒山南採苾芬
既與水石交載隨麋鹿羣

登南岳

王 稱

維舟湘水上始觀祝融峯何人尊炎服植此金芙蓉
下窺俯南極仰攀接層穹昂昂五峯尊同立元氣中
陰時變氣候衆壑應寡同綠蘿石磊磊噴壑泉濛濛
遙涵洞庭雪五月飛涼風伊昔禮明禋望秩猶三公
靈湫出雲雨有禱無不通離明舞朱雀星紀專化工
而我企冥漠覽眺殊未窮火黎記昔冢圯剝今無蹤
營立秘真圖孤魂竟誰從浮雲鳥道沒白日長天空

惟應吊虞舜一嘯蒼梧東

虎跑泉

李攀龍

千鱗副使

大士始結構鑿空偏此工二虎自南岳掉尾從師遊
神威攬地脉佛力驅陽侯枯火迸石罅松根結綢繆
勢寧决蹠去揮錫怒不休至今噴岩窟水猶咆哮流
酌言生壯心一嘯風颼二海眼在其下潮汐故可求
不然胡僧呪爭使波瀾浮穿壁吐長澗夾寺瀦龍湫
疑作故山雨片雲駐岫巒歸應出東林無為惠遠留
方廣寺謁朱張祠柬諸同志 張居正 太岳大學士

兩賢異鄉域千里還相求祇為戀徒侶能忘路阻修

衡岳志

五言古

卷之七

十四

我行躡遺跡仰見祠屋幽高山近可仰嘉會亦綢繆
俛首念疇昔戚二襄殷憂雖抱遺俗心賦質暗且柔
巖巖負喬岳有志力不道願我同心侶景行希令猷
涓流滙滄海一簣成山止欲騁萬里途中道安可留
各勉日新志毋貽白首羞

祝融峯

張居正

祝融羣峰表律翠萬古雄采虹挂丹壁邈若升蒼穹
舉手捫太微天關洞開通璀璨南斗星坐珠當我胸
俯瞰六合內澆漭烟雲重浩如太始初二氣溼冲融
須臾湧陽景倒挂扶桑東瀛海不復辨三山安可窮

寄謝冷風子吾將游心混濛

嶽夜有裛

張店正

炎州標靈岳巋然奠南極興雲翊帝工陰風直斗域
千秋儼廟貌祀典邦有秩我來叩幽秘躋雲屢登陟
齋心肅永夜聆響如可叩即髣髴邁真宿排空假羽翼
授我玉杵藥炎耀有五色瑤艸吐雲英金書啓石室
顧慙塵土軀恐負心所憶願言籍神麻精神倘能格
心境不空彩筆畫虛空境空心不空生龜未脫筒
心境若俱空海月映山嵐長江二月寒汝去雪漫

送心空比丘歸衡山

郭正域 明禮部尚書

衡岳志

五言古

卷之七

十五

梅子何時熟梨兒味正醇若到衡山上為予問懶殘

南岳廟

尹臺 洞仙禮部尚書

疇昔抱微尚五岳志窺簞守限身清切禁安得諧夙心
恭承帝嘉命羣藩展圭琛炎方鬯歷討因獲散冲襟
遂越三湘浦亦涉衡陽潯駕言謁靈后清齋秉嚴忱
羸陰豁幽巘朝景耀陽林長松三十里夾澗搖疎森
微飈度曲崦蕭颯竿籟吟危閣聳霄漢朱碧徵霏陰
羣峰儼翔會紫翠紛升沈聖人握元化峙流序高深
皇二朱鳥祀秩禮崇古今惟德理南訛長養專調斟
再拜眎庭廡肅穆裛居歆

兜率菴次壁間韻

王京衡州守

衡山自天落名勝真奇絕
竭來恣幽賞相對忘言說
天末起悲風商氣應秋節
林鴉散夕陽藤蘿挂新月
蒼梧渺何許湘靈鼓瑤瑟
策杖扣禪扉柴荆蒙以密
慧燈照蒲團炯常不滅
因之談衷慄聊以慰岑寂
千古斯人心宇宙同空濶
舜蹠毫釐間所貴在區別

夜宿兜率菴

王京

我來禮名岳山房聊信宿
沈沈日復西猿鶴唵空谷
商氣厲孤松金飈推萬木
幽栖絕點埃岑寂超無欲
衣薄坐擁衾更寒寤秉燭
勝遊足賞心誰問君平卜

衡岳志

五言古

卷之七

十六

赤腳踏祝融乾坤不盈矚

流杯池

彭簪石屋衡山令

吏事苦煩鬱索遊謝吾黨
乘興出廓門四顧增慨慷
荒亭久寂寥衢路成榛莽
緩步陟崇岡高歌振林響
桃李咲無言春光正駘蕩
飛瀑噴玉屑跂石擎仙掌
分泉入曲池流杯恣情賞
雜談忘爾汝一點動遐想
斯須非久計暫覺脫塵鞅
憂樂古人心勗哉憑俯仰

望岳亭

王心

宿湘浦雲測鴈峰雨美人
遲不來寂寞誰為語
南風開翳陰賞心盼晴宇
欣然見南岳廓哉忘羈旅

七十二奇峯歷二槩可數吾聞最上峯重華皆收處
祝融豈不高俯侍不敢侮遺廟多芝蘭芬芳冒下土
緬想夔龍徒雷結纓組我欲往求之山靈恐吝與

觀音岩

邊維垣副使

吾意僻烟霞乘閒覓岩谷山中無世情永日清耳目
芝木自香芳青鸞與玄鹿白雲晚不收片二挂高木
皓月上東林沈寥天穆二纖埃無處生萬壑寒光肅
翻嘆塵俗客韶華傷局促徘徊夜已闌就此石梁宿

觀音岩

郭崇嗣參議

楚山多白雲悠二起岩谷憑虛聊一觀變態驚我目

恍惚烟靄中仙人馭白鹿幽壑瑤艸芳古洞多奇木
忽聞仙樂鳴鈞天音穆二樓高天宇近夜薄寒威肅
勝遊難久畱飛蓋來朝促把酒一高歌毋負雲林宿

佛地前有古器因擬種蓮有作 陳大綸

諸峯覽下來愛此方廣好青蓮天雨花大地雲根抱
絲甸高四百人間迹如掃移種古佛池堪爲證果笑
永結無心盟坐忘天地老

方廣道中望青衿峯作

羅朝岳蓋雲

行踪遍岳秀題品皆所奇五峯固殊特青衿安可卑
何彼來遊人久矣無相知蔑如等丘垤觀望靡及斯

今來忽予邁削筆青天涯晴雲映孤岫佳色輝嶷
豈非造化初祝融同根基惟以不當路遂致低昂之
此情實乘異岐路令生悲停輿懸相對悠然發長思
我身似爾峯韜晦其如癡

襄昌黎文公

管大勳

提學副使

聖賢久不作叔世崇佛老倬彼昌黎子力排著原道
摛文振頽靡抗節秉孤矯寥二百千年煌一元和表
寧逃至尊怒頓爲迷俗曉慷慨辭金門赴謫潮陽島
行三過南岳陰雲爲誰掃逆旅寄交懽閑亭垂麗藻
瑱珉固不磨山斗以爲寶

衡岳志

五言古

卷之七

十八

襄晦菴先生

管大勳

吾道在南州考亭宗尼父正教衍淳熙名言記石鼓
崇臺幾廢興豐碑麗今古國步值艱難世俗多聾瞽
獨以平生學抗論悟人主立朝跡已危乞祠心獨苦
白鹿坐芳規岳麓存聖矩至今蒸湘間依然等鄒魯

襄南軒先生

管大勳

人心皆孔顏湛寂元無滓義利分毫芒誰能晰其旨
緬仰襄先民蚤歲悟至理卓三趨高明仡三事踐履
承家願不違許國死后已所以宋諸儒雅推南軒氏
足跡遍潭蒸師友契蘭芷勝遊霽岳雪涉趣詠沂水

試讀武侯碑令人空仰止

宿開雲堂

管大勳

禮神夕方竟憇息岩東隅南星悅明滅北堂淨齋居
百營旣屏寂中夜常晏如寒禽鳴啾二涼風吹徐二
移步廣庭下陡然發長吁明晨擬高眺重陰鬱未舒
安得昌黎子爲余曠清虛

祝融絕頂

管大勳

岳嶠本秀特扳躋益峻巖峯頭懸翼軫崕底蟠蛟螭
松崖削青蓮石澗流綠漪赤玉縕重岡紅花散四垂
香風起天末萬籟當空吹頓令六尺軀飄二欲何之

衡岳志

五言古

卷之七

十九

洞庭盈一掬蒼烟失九疑靈異杳焉對浩渺渾無涯
漫遊舒清襟兼得探玄奇倦來臥白石飢將餐紫芝
冥心戀景光延佇復多時囂塵自茲隔動靜還有期
終歸南山隱勞二竟何爲

衡岳禱詠

張文光

放舟行湘中注目衡山上舟移景亦移千里各異狀
奔峭湧逝波層巒開疊嶂疑塞忽開通一背復一向
巍峩插青冥幽深極遼曠林木色蒼蔚流泉瀉蕩漾
猿猱嘯夜月豹虎浮雲抗他岳或奔圯茲山獨無恙
鄴侯曾隱居旋拜真宰相高僧習禪觀屢得法眼藏

興雲洩霧雨沛澤何償
岩舜廟可瞻
依禹碑擬搜訪
婚嫁了世緣
岩栖託微尚

衡岳山居寄鄧觀察

張

博

無名粵東人

秋晚山氣佳
開簾望天宇
白雲飛尚溼
紅日低未舉
蕭蕭岩下風
颯松上雨
萬籟既已寂
中情無所取
手撚金允艸
笑指青鸞舞
但覺遠紅塵
何知非紫府
我聞古曠士
吏隱惟茲土
莫言上頭居
不是南岳主

遊方廣

張

洵

大名入衡山令

西北有花宮
云在萬壑裏
遙望氣青蒼
路曲不盈咫
林深蔽白日
洞古長石髓
秋風送微涼
快哉着木履

衡岳志

五言古

卷之七

三

又

張

洵

行磴道長歷
盡百千級峯
逼九閭遙澗
飛百道急
身似生羽翰
息覺忘呼吸
何來霧濛濛
侵我衣襟溼

又

張

洵

陰晴一嶺分
風雨片時息
忽入藕花心
薌澤滿胸臆
丈室寂無塵
石欄淨如拭
渡橋覓古跡
老僧應不得

又

張

洵

蓮花作山形
冰雪作山色
碎彼姑射仙
綽約無緣飾
幽賞來羣賢
普照托佛力
徘徊頓忘歸
聊此斲登陟

出岳路

譚元春

夏丁卯楚元

靈雨記起止在山皆晴望意豈不忘歸二心聞江漲
何以迎送予青松同微尚愛濤步遲二人以爲惆悵
我則實不然方寸岳萬狀

將至岳同伯孔舟望

譚元春

緩纜過眾妙灣轉約青葱回思數日舟如行晴月中
安卑審羣情秀色皆童蒙五峯不氣勢端然爲五峯
澹二後雲存肅二分天空大哉古今色安敢置蒼紅
我去爭飛鳥一杖事無窮

兜率閣上聽泉對天柱峯

譚元春

陰徑下晴綠峯近菴亦尊春筍青在中古泉流到根
天柱洗沈晦閒雲孤出門與我聽泉心相合如一魂

飛昇石禮魏元君

譚元春

黃冠樵採去盤石能自守獨松覆仙色聲下溪流久
慧人悟菴苔不在語言有當有天飛時流眇炎川阜
去來自悠二月明一至否

答岳麓隱者

蔡道憲

江門長沙司李

蹴碎岳麓雲剪斷湘江水楓丹染院深高飄菊衣紫
竹露坐朱霞霜華拂劔齒聞君多苦心中夜嘗數起
敲火作長吟山鬼驚偷耳持寄素心人虹捲吳縑裏
蚤晚欲行尋相將索奇字

自九
山

劉明遇 浣松明
季御史

四顧無行逕曉風逆初霧劈空一拳石鑿破尋幽路
緣溪一線行雲繞石無數桃李醉春風爭妍松杉樹
風雨生木末陰雲起竹戶時聞霹靂聲四望皆瀑布
別蘚覓奇書莓苔深固護七十二刁峯二峯白雲吐
幽人投僧舍僧僚如親故崖月入我裏高朗寒生怖
毒舌問山僧殺運如何渡云超茲劫中須借英雄箸
甫動買山心山鬼已知處何如入水火度人亦自度
假寐白雲窩定力追天步夜半曉鐘鳴遽然發深悟

霜度岳徑

王夫之 而農衡
陽孝廉

衡岳志 五言古 卷之七

三三

墜葉滿行衣徑艸試霜色何知山川想足敵風塵力
初噉峯紫搖浮空夾蒼植似可就奇光問之求羽翼
曉同叔直出寺讀米菊水司寇所鐫譚爻夏岳

記

王夫之

登徑驚林泉知有高人址昨霄話霜月寒河固盈耳
星光問吟嘯松根想屐齒是日青天高一石映綠峙
鼃噉不敢惜白光漏蘋芷夏子發笑言循池累經此
似有神護蔽珍重以需子遙秀豈敢蒙道孤無出美
勉以荅古人雙影戀流水

奉祀衡岳道中作 贈李
階白

白胤謙 東谷翰
林學士

驅車大湖南日二山水好松篁夾路稠宛三鷓鴣鳥
飲酒臥帳中朱顏空復老不如持使節騁覽炎荒道
南岳羣仙人長生以為寶應憐萬里客金丹慰枯槁

送李皓白歸南岳

黃中通

抑公粵西臬司

我有壺中松虬禿不盈尺持贈李道人作配南岳石
長短可齊觀松高岳山窄鬱蒼枝幹橫慘澹西骨瘠
吐納寄霜雪有似羽衣客淪落烟火中十載風埃厄
我來嶺西頭與松同戍謫靜氣相往還衣露拂衾襖
逢彼素心發無語神相索松去余益孤能不念疇昔
獨秀崖前峯祝融巖下壁千年山中物惟松與皓白

衡岳志

五言古

卷之七

三三

謁岳恭述

劉進禮

節五衡州守

鶉火曜離方文明麗南服應象以成形神工作坤軸
翠嶽勢劈雲倚霄長矗二銀漢礙不橫暑寒因氣畜
天色近非蒼扶桑拱山麓我聞位配公伯仲岱華族
幅幘獨距遙正位向南陸巋然獨據尊雄峯相畏縮
致雨不崇朝千里徧膏沐賴此生物功仰荅洪鈞福
悠三我心憂何以副鼎餼日月銷兵氣豐年兆種稔
藉手報

至尊維神常致祝慎勿厭貪功大造無私覆

上封寺

胡景曾

沂菴長沙司李

炎風舉輕帶乘興凌絕巘翠屏排空青停策倦忘返
蕭寺鐘聲發夕陽歸山晚波拜祖堂前座列金甌宛
孤襄觸禪理各自見根本高樹隱暮鳥古瓦吟蒼颯
解了清靜因悠々悟嘉遯

丹霞寺

胡景會

竭來叩上方捫蘿入雲林爲愛唄梵餘冷然生靜心
天花落遙麗法雨霏孤岑滴瀝石罅泉時鳴丘中琴
露竹微牽裳猶覺曉氣侵坐久松風寂迢迢笙磬音
澗水試芥茶冰霜忽盈襟道俗瞥兩頭有意空古今

禹碑亭

胡景會

翳昔發河洛天地衍大文回溯一畫初混沌從此分
昏墊苦未除方割憂正殷高山大川間荒度八載勤
玄圭迄告成績勒南衡君蝌蚪七十七亭虛翁氣氤
自是疏鑿理篆法流水紋糾蟠掣蛟螭剝落老烟雲
靈奇斯可恠劈闢電雷礮旁泐畱銓譯豎義如所云
胡然紫霄峯六字僅有聞

廬山紫霄石室摹禹刻百餘字
僅鴻荒漾余乃攢六字可辨

讀衡岳志舊本因擬重修

朱 袞

湘江當縣門 閉寒秋水江水何漪 岳影照如指
夙聞元道州丹崖尋石蕊道州高逸人幽興良可擬
我初陟祝融峴鬱冥千里明霞繡空沓懸松飛赤鼠

將訪青玉崖再盼中山址日夕勞往還沈牘不得理
自分省眠餐燭銷聊假寐惚_二夢緝衣手示蝌蚪字
取志譯禹碑精靈走曩曩發軸披其全國史重不啻
覽竟復重繙兀然起長喟昔人既已成見聞亦復積
豈惟文字疎崖壑失位置文人應有責矧予官斯地
以此有深願敢惜劖劖費退息自校讐頗亦見第次
投勞畢經營山靈慰顛顛持此珍重心用以告同志

雨宿上封寺

袁 奘 參嵐攝
江夏令

人來螿附柯寺如蝸黏壁登頂覺坦然形神益爽適
白雲山脚生空濛共一碧入夜心茫_二前山走霹靂

衡岳志

五言古

卷之七

三五

萬木瀉秋濤烟鐘難壯激屋瓦作飛鳴袞稠交洗滌
瞭然七尺軀宛與百靈覲空中仙樂聲笙簫聽歷_二
須臾明月光露白空林滴欲睡惱秋蜚孤燈起自剔

送閩中崔五竺往遊衡岳 袁 奘

昔登軫宿峯朱鳳雲邊叫苞采刷清秋德輝光有耀
恭聞祝融君袞裳坐宗廟指羣揖羣仙相眎顧我笑
親見魏夫人玄真領道紗丹_二驟紫鸞笙簫迎遠嶠
雷雨響天門山鬼一腳跳癯黃老道士趺坐但長嘯
下看毘盧洞卿雲四面照鷺鳥畏精靈不生鵲與鷓
仙藥靈艸多芝菌雜桑蔦山人喜種田日夕羣荷篠

中有破門僧詩字獨窈窕皓白餐霞姿丹還鶴髮少
思欲老其間雲耕溪可釣大道在無爲悶醇閉九竅
看山如讀書佳處領其要一曲飽松風孤琴留古調
霍童有真人丹砂貴不糶囊筆賦三都金門曾待詔
旣收匡廬雲更泛湖湘掉告我禮朱陵雙肩竹筍轎
爲語以如是於中試縱眺大業在名山行矣當自劬

九仙觀贈皓白道士

夏嘉瑞人淑孝感

九仙峙南岳數入幽人夢屐杖入雲層松陰滿深洞
奇花不記名飛巒百丈控石豹偏嵌空清風時入貢
雲車下高真霍峯若相送瓊棗陳繁陰篁籟鶻千弄
吾師住山人夢譜堪折畏黃房玉煉顏海日星源動
藥笈盡披探劍錄玄元顛好譜斑龍膏莫教石髓凍

二

夏嘉瑞

浮雲閱物萃山川存我輩諸家裏瑣說混茫始破碎
五侯七貴人蜉蝣遞夏代八風排紫螭蟻足翻鰲背
放眼望神州垓埏高拳塊何時揖安期浮丘聯水佩
我家神禹裔君衍伯陽誨珍重百琅函玄鹿方十倍

靈巖

在安上峯下湘傳舜南狩駐此

李呈玉崑山宜都

靈石竅平田洞然成巖壑玄圭蒨告成虞帝先刊鑿
柴望展明禋六龍此棲託山川靜不驚野處亦云樂

至今溪洞留奇邃等樓閣筆墟與琴臺古宇伊誰作
安得闢榛荆空明恣磅礴重萃時再來相待驂鸞鶴

奉祭朱張二夫子祠

李呈玉

祠宇自空山千秋承薦享常祀歲再脩肩輿鹽沐往
下拜對几筵宗風山斗仰理學麗中天盛衰無絕響
當宋南渡時名賢日長養倡道來東南風雪恣幽賞
過化亦云神精光結方廣良遊貴自謀勉旃規吾黨

岳麓書院

崔

從

五竺一閩人

寥落春風中楚雲悵羈客言涉湘水西威遲芳艸陌
訪古仰高山周道憶疇昔賢此開創勅書賜藏籍

朱張二夫子臯比崇道脉一時集英流講論多縫掖
巍煥儼宮牆縹緗盈几席鐘鼓彷彿虞庠筦絃奏孔壁
修蔭環茂林文藻蕩霞帟玫瑰墀帶艸叢岩壑螢芝赤
大器若萬繩遺文泐金石興廢或有時名儒代燁奕
鹿洞與嵩陽眎此同規橈柰何天運傾戎馬生郊場
俎豆委蒿萊堂廡成瓦圻頽垣薜荔纏殘碣苔衣齷
山禽故亂唬溝泉鳴瀨日夕遊子悲對茲增歎惜
寺觀多輝煌此焉狐兔宅吁嗟儒教衰迺不如老釋
岳麓四時青湘流終古碧安得洞鋼儔荒林更重闢
陳孝兼梁至鉉黃尊士諸道盟自岳峯回泊

湘岸月中全過寺寓燒茗劇談夜分別去

崔 崧

久旅衡山雲有裏隔湘水鴉定叩昏鐘我爰偕至止
云自岳峯來祝融遍徙倚後先雲氣開望日如盤几
眼界窮微茫襟岫擷霞紫坐觀蝌蚪碑奇文信堪紀
幽人山水情高士冰霜矢我昨岳遊歸重逢詰山理
僧茗同一燈鄉思共千里遠道賴良朋愁聽風波詭
吟詩散旅裏竹露驚禽起是時湘月明緩步踏江咫
清晨看古松暫別蘭舟艤

隱松岳

劉自焜 朴先

衡岳志

五言古

卷之七

三

茲岳^二之始岳松授影響古人察之真因以松名賞
竅虛如幽巷出入豁天壤有僧結構奇石俯茅屋上
此生真一寄何必宅林莽所以令人見駭若令人想

登祝融絕頂

梁 珪 至 鉉 闕 人

晨興躡蹬路舉趾肅心魄一到峯上頭去天但餘尺
俯眎萬象渾仰看層雲迫晴光褻其中鴻濛如將劃
須臾風露開辭峰吐青碧洞庭與瀟湘惟見縷^三白
我想太始昔大地一廣莫此山猶未生元化何年闢
稽首祝融君願示靈秘冊安知我此身不是遊仙謫
便欲老崑棲烟霞作蓬席肯跨赤龍飛無事藉羽翮

鴈峯

劉爻炆

屢級入雲表，莓苔鎖深院。葆羽自南來，蕃歌娛清宴。
楊柳摧朔風，夜傳羌筵怨。世尊遂塵埃，壁挂天山箭。
寒雨吹衣結，牛糞氣不爛。烟霞栖鄴侯，縹緲無絲見。
紫袍收二京，還爲此山戀。極目空雲海，鳥拂芙蓉面。
其峯七十二，頗足恣幽選。就中坐焚香，諸妄一時遣。

衡陽大守招泛石鼓

劉爻炆

寒烟碧無際，中流浮石鼓。輕舟我欲東，擢舟詠猛虎。
湘東大守賢，賓客爛廊廡。散之山水間，絲竹橫玉塵。
將船就白雲，買酒聽鞞舞。鼓下不聞聲，兵憂何大苦。
容峯九面來，陣雲紛可數。玉字蒙青葱，血馬何由取。
中多息心人，蟻示塵中宇。憑誰一招手，食我白麟脯。

望岳

集杜

費思居

瞿如荆門人

我行洞庭野，蒼濤鬱飛翻。南岳自茲近，井邑聚雲根。
臨虛蕩高壁，祝融五峯爭。遠岫爭輔佐，千岳自崩奔。
陰陽割昏曉，絕壁上朝暾。萬壑欹疎林，煥若靈芝繁。
秩禮自百王，肅穆古制敦。巡狩何寂寥，江山雲霧昏。
牽迫恨修途，艱險不易論。何當凌絕頂，放詒避戎軒。

望日

曹懋極

邑人

登亭初縱目，寒氣遙侵溼。海表曙炆生，丹霞開復翕。

忽二赤晶躍平起如拜揖大地一冶金彩芒相耀熠
升者云扶桑扶桑未可執中國逐金鳥湘江走虹泣
岳翠千態變一身渺然立乾坤看晦明寸管窺何及

飛來船

曹懋極

天外走飛艇陰霞共汨沒千尺響流泉二氣通不歇
雷颼自谷鳴忽二若相發突幹挂空帆搖情甚超越
女媧非其手石煉工疑闕誰爲汎仙舟來拾海上月

祝融聯句

有序

甲辰重九前一日膠東韓魏秣陵余天溥岳陽李
璨同登祝融絕頂先是嶽色雷靈嵐煙翕鬱三人

造石殿謁

嶽帝已趨出見雲穿旭漏迺跏坐峯

椒石上少選赤日遊空炎含峯頂俯眎山腰一氣
瀾漫瓊英霏霜吹白波於瀚海囊七十一峯鼓雪
浪之璘珣練曳幾千萬里一峯煇峙戎二昂首蒼
虬六合晶輝晶二通明玉殿人蹲峯頂御駕海仙
帆槎掉星河洵洽心勝事各搜奚秘共綴雅詞以
答山靈無忘殊寵

凌空汎銀海獨峙剖鴻濛四望渺何極李九霄洵可

通粘天雪浪滿

韓

拔地怒鰲狝漠

二

騎惚鶴

余

寥二

駕碧虹羣嵐泐泐裏

李

萬象宵冥中岫歛鐘聲度

韓

度

韓

崧危郢調工登臨奇有待余莽宕興難窮瑞日偏籠
頂李濃烟若戀硤山河驚玉砌韓岳壑漲金風湘水
微茫轉余君山隱約逢僧孤依石室李客嘯倚蒼穹
剝蘚尋詩古韓敲霞喚酒雄醉朋攜茗臥余巧匠琢
碑訖突兀尖全抱李霧霽意愈克半蟾嬉月殿韓六
出擁龍宮事與開衡接余狂爲得侶隆支機莫持去
留伴紫虛翁李

石廩峯

廖文英

曉起欲吞霞二氣南山繞峯以廩爲名我知石藏寶
石田豈可耕石廩安能飽亦聞煮石丹不似煮字好

衡岳志

五言古

卷之七

三十一

坐讀石鼓文刪去楊亭艸饑渴此中求丈人古心貌

偕羽人李皓白登峯望日

彭之鳳龍陽人

南嶽如岱禮乾坤相始終登峯候朝曦曠代懷英風
衡雲多變態山色亦隆嵒開合動靜間雲日費磨礱
拾遺來何暮趺坐白雲叢雲按涵無極環山四面同
振衣凌絕巘咫尺扶桑東下看雲深處元氣宵冥中
翻愁日輪出觸石鑿鴻濛羣雲如伏翼不復辯雌雄
浩二自大古大地一併幪俄傾報出日共道海門紅
我始見舍利黍珠懸青空遠近隨珪璧盪胸豁重蒙
明二心眼前摹画殊未工渴口漾清光老杜傾葵衷

憶昔韓侍御長衣嗟途窮茲遊逢勝概喟狀造化功
杲_二東方白蒼茫倚祝融

卜隱九仙觀後張三丰祖師鍊丹處

王澤弘

客居殊靜適百感從中縈一坐四五起有若波浪驚
默察本無端胡乃心自生我咎遇師授內跡除其萌
所嗟世染深觸物多移情未老今預防忍嗜息所營
遂卜紫葢境體素全堅貞冲舉凌九霄翱翔遊玉京

五言古

合江亭同毛子霞隱君次韓文公韻時予重構石鼓書院成

張奇勛松公大梁人

湘江鼓山右蒸江鼓山左一亭瞰雙流九天落珠唾
江山既爭雄煙霞復相佐天地大文章可以權萬貨
昌黎有遺詩朗讀堪百過允燄時照人何物能摧挫
遊展重留連往二多爾和章碣已周遭並驅能幾箇
氣象喜崢嶸時命憎坎坷我來郡事稀真堪閉閣臥
慷慨營書寮慙慙督士課人事亦何常乘除本無那

衡岳志

五言古

卷之七

三十三

敬業務精勤樂羣戒慵懦一朝快風雲營名天下播
利濟及蒼生豈復甘窮餓吾友毛君來抵掌欲稱賀
劃然發長謠藻艷驚竄情還予飲江亭歡笑盈廣座
豪氣都未除寒慳竟已破好句琢青謠肯教泥滓澗
合江亭同張松公太守次韓文公韻

毛會建十霞武進人

石鼓控雙江湘右而蒸左一亭簇其顛隱二石花唾
亭不任爲主江不任爲佐風水相吐吞恍若居奇貨
洞庭險不如匡廬高莫過昌黎巖畔詩拮屈饒頓挫
安得青謠鐫多爲白雪和以我髭數莖而易字一箇

無殊貧家兒拮据終困坷還思少小時山中束書臥
鹵莽味良圖雕蟲荒正課今日老天涯悲嘆知無那
太守予故人高風起頑懦京兆桴鼓稀漁陽頌教播
慮以口腹累閉門甘窮餓太守笑謂予可弟亦可賀
寂莫生精神磊落詎器情爲予濯宸樽絲竹紛蒲座
山川一倍收風月平分破題處石摩空庶免塵土澆
七言古

戊戌秋抄登南嶽留題祝融峯白門石上

毛會建

秋風蕭々秋雨歇登山不借枯筇力捫葛攀藤到祝

衡岳志

七言律

卷之七

三十四

融徂半峰頭望紅日白門禪師讎峯半住又過別峯
歡喜地一石橫眠夾室前我爲狂題臥月字巧匠運
斤如揮矛縱橫廊落還深溝他時雨澗水爲墨岩復
雪填銀作鈎此石不爛字不滅蒼苔隱々青銅色應
念當年捉筆人千里萬里天南北
七言律

太守張公重構石鼓書院成造至作此紀勝

毛會建

石鼓巋然障百川蒸湘合股到溪前半收天下清寧
氣別有寰中山水緣萬里風濤待宗慈九天星斗識

七言古詩

送陳郎將歸衡

唐李白

衡山蒼蒼入紫冥下看南極老人星
回飈吹散五峯雪往來飛花落洞庭
氣清岳秀有如此郎將一家拖
金紫門前食客亂浮雲世人皆比
孟嘗君江上送行無白壁臨岐惆
悵若爲分

朱鳳行

杜甫

君不見瀟湘之山衡山高山巔
朱鳳聲嗷側身長顧求其曹翅
坐口噤心甚勞下愍百鳥在羅網
黃雀最小猶難逃願分竹實及
螻蟻盡使鷓鴣相怒號

衡岳志

七言古

卷之七

岳麓道林寺

韋甫

玉泉之南岳麓殊道林
徑爭盤紆寺門高開洞庭野殿
脚插入赤沙湖五月寒風冷佛骨
去時天樂朝香爐地靈步雪山
艸僧寶人滄海珠塔刹宮牆壯麗
敵香廚松道清淨俱蓮花交響共
命鳥金榜雙迴三足鳥方丈涉海
費時節玄圃尋沙知有無暮年且
喜經行近春日兼蒙暄暖扶飄然
斑白身奚適傷此烟霞茅可誅
桃源人家易制度橘洲田土仍膏腴
潭府邑中甚淳古太守庭內不喧呼
昔遭衰世嘗晦迹今幸樂土養微軀
依止老宿亦未晚富貴功名焉

足圖久爲野客尋山慣細學何顛逸興孤一重一掩
吾肺腑山鳥山花吾爰于宋公放逐曾題壁物色分
留與老夫

道林寺

韋蟾

石門迴接蒼梧野愁色陰深二妃寡廣殿崔嵬萬壑
間長廊詰曲千巖下靜聽林飛念佛鳥細看壁畫馱
經馬暖日斜明蟬竦梁溼烟散羃鴛鴦瓦北方部落
檀香塑西國文書貝葉寫壞欄迸竹醉好題窄路坐
藤困堪把沈裴筆力鬪雄壯宋杜詞源兩風雅他方
居士來施齋彼岸上人投結夏悲我未離擾徒勸

衡岳志

七言古

卷之七

二

我休學悠者何時得與劉遺民同入東林遠公社
祝融般若禪師

劉長卿

般若公般若公負盃何時下祝融歸路却看飛鳥外
禪房空掩白雲中桂花寥閒自落流水無心西復
東

寄南岳靈徹上人

劉禹錫

釋子道成神氣閑住持會上清涼山晴空禮拜見真
像金毛玉髻卿雲間西遊長安隸僧籍本寺門前曲
江碧松間白月照寶書竹下香泉洒瑤席前時學得
經綸成奔馳象馬開禪扃高筵談柄一麾拂講下門

徒如醉醒舊聞南方多禪老次第來入金門道荊州
本自重諸天南朝塔廟猶依然宴坐東陽枯樹下經
行居止故臺邊忽憶遺民社中客爲我衡陽駐飛錫
講罷同等相鶴經閑來共蠟登山屐一旦揚睂望沃
州自言王謝許同遊憑將雜擬三十首寄與江南湯
慧休

祝融峯

韓愈

祝融萬丈拔地起欲見不見輕烟裏山翁愛山不肯
歸愛山醉眠山根底山童尋着不敢驚沈吟爲怕山
翁嗔夢回抖擻下山去一逕蘿月松風清

衡岳志

七言古

卷之七

三

岫嶁峯

韓愈

岫嶁山尖神禹碑字青石赤形模奇蝌蚪拳身薤葉
披鸞飄鳳泊舞蛟螭事嚴跡秘鬼莫窺道士獨上偶
見之我來咨嗟涕連沍千搜萬索何處有森森綠樹
猿猱悲

謁南岳廟遂宿岳寺題門樓

韓愈

五岳祭秩皆三公四方環鎮嵩當中火維地荒足妖
恠天假神柄專其雄噴雲泄霧藏半腹雖有絕頂誰
能窮我來正值秋雨節陰氣晦昧無清風潛心默禱
若有應豈非正直能感通須臾靜掃衆峯出仰見突

兀撐青空紫葢連延接天柱石廩騰擲堆祝融森然
魄動下馬拜松栢一徑趨靈空粉墻丹桂動光彩鬼
物圖畫填丹紅升階偃僂荐脯洒欲以菲薄明其衷
廟令老人識神意睚盱偵何能鞠躬手持环玦道我
擲云此最吉爲難同竄逐蠻荒幸不死衣食纔足甘
長終王侯將相望久絕神縱欲福難爲功夜投佛寺
上高閣星月掩映雲腫隴猿鳴鐘動不知曙杲寒
日生于東

岳麓寺

沈傅師

承明年老輒自論乞得湘守東南奔爲聞楚國富山

衡岳志

七言古

卷之七

四

水青嶂遷迤僧家園含香珥筆皆眷舊謙挹自忘臺
省尊不令執簡候亭館直許攜手遊山樊忽驚列岫
晚來通朔雪洗盡烟嵐昏碧波迴輿三山轉丹檻繚
郭千艘屯率鑣蹀躞狗砂步大旆綵錯輝松門樛枝
兢驚龍蛇勢折幹不滅風霆痕相重古殿倚巖腹別
引新徑縈雲根目傷平楚虞帝魂情多思遠聊開罇
危絃細管逐歌颺畫鼓繡靴隨節翻鏘金七言凌老
杜入木八法蟠高軒嗟余潦倒久不利忍復感激論
元元

送何生鴻遊岳

明湛若水

吾聞衡岳有五峯十年磊落吾胸中去春風送我
游梯上雲雨迷行蹤迴車神遊十一拍拍縹緲鞭
蒼龍何生何生仙骨何神通先我飛錫駐祝融祝融
君須我問訊珠明小憇待秋風何生毛骨本仙侶許
執几杖還相從許執几杖還相從吾將拉子遊無窮

仰南岳

李夢陽 崆峒

我所仰兮在衡山側身南望阻荆關祝融峒亭心悲
酸仙人贈我赤瓊丹婆娑桂樹山之間我欲從之途
路難南望洞庭涕潺湲

望月臺

孫應鰲

衡岳志

七言古

卷之七

五

望月臺古雲霧棲靈圖秀發祝融西人間朗魄已落
盡此地清炎猶未低我聞佳境特凝眺霧散雲開歛
幽妙虛明夜色蕩初晴錯落霽華浮曉照曉照亭
月漸中南山桂發映寒叢碧流水經陰平布素展星
河影乍空春風微琪艸茁縹緲湘靈來鼓瑟望而
不見起長嘆欲賦青峯轉愁失浮杯几席洞庭涯海
外三山不可期坐惜凋年憐急景惟應明月最相知

望日臺

孫應鰲

天雞初鳴海鳥泣翔陽彌節六龍集扶桑既登始將
行攬衣起向懸崖立滄波萬里驚濤急只尺溟濛如

可挹映處重淵雲錦鮮望來大壑瑤華溼是時羽鱗
咸伏蟄空山凍肅寒風襲廣遠初看蕩漾開扶搖尚
覺升騰澀突爾颺輪吐爍煜烟飛雲散嗟何及諸方
連彩孤曜流萬色層暉滿空入浮天元氣轉歛翕壯
懷盡向奇觀釋會飛東極狎羣仙合璧精熒盡吞吸

禹碑歌

楊慎升菴狀元

神禹碑在岫巉尖祝融之峯凌朱炎龍書傍分結構
古螺畫匾刻戈鋒銛萬八千丈不可上仙扃鬼閉幽
以潛昌黎南遷曾一過紛披芙蓉褰水簾天柱夜瞰
星斗下雪堂朝見陽輝暹追尋夏載赤石峻封埋古

衡岳志

七言古

卷之七

六

刻蒼苔黏拳蚪倒薤形已近鸞漂鳳泊辭何繼墨水
流傳世應罕青字名狀人空瞻永叔明誠兩好事集
古金石竊該兼昭列箴銘暨欵識橫陳黟黹和釜鬻
胡爲至寶反棄置拮據磨蟻損烏蟾又聞朱張遊岳
麓霽雪天風影佩檐搜奇索秘跡欲徧春偈憧和詩
無厭七日崎嶇信有覲一字膏馥寧忘拈非關喘噪
阻登陟定是藤葛籠窺覘好古予生嗟大晚拜嘉君
貺情深忼老眼增明若發覆尺喙禁斷如施箝七十
七字掣螭虎三千餘歲叢蛇蚶憶昔乾坤漏息壤蕩
析蒸庶依苓慘帝嗟懷襄咨文命卿佐澤洞分憂悞

洲并渚混沒營窟鳥逆獸逃交門簷塌來南雲又北
夢直罄西被仍東漸黃熊三足變絃服白狐九尾歌
龐衲後乘包湖按玉牒前列溫洛呈疇輿永奔竄舞
那辭胝平成天地猶垂謙萃岳泰衡祇鎮定鬱塞昏
徒迓喁噉文章絢爛懸日月風雷呵護環屏黔君不
見周原石鼓半已泐秦湫詛楚全皆殲此碑雖存豈
易得障有嵐靄峰堪巖跽音迴絕桂黎藿弔影颺瑟
森櫛栝湘娥遺珮冷斑竹山鬼結旗零翠筵造物精
英忌泄露祇恐羽化難畱淹欲摹古本鑄巖壁要使
好事傳緗縑著書重訂琳瑯譜裝帖新耀瓊瑤籤麝

煤輕翰蟬翅榻煩君再寄西飛鶴

南岳山歌

管大勳

祝融高二不可上出地九千七百丈層巒羅列插丹
正千里崢嶸排青嶂西起岷峨接滇貴東走江越連
吳會南條之山誰最尊俯臨五嶺控八柱沉湘流夾
迤邐來下注七澤洞庭開華恒嵩岱焉足擬雄都作
鎮真崔嵬自從黃帝分疆域虞舜南巡遵岳麓岫嶮
禹跡揭穹碑祀典靈祠代修復朱鳥翩 = 集崆峒南
極閃 = 燭長空巨靈齧 = 通碧落羣仙裊 = 會飛虹
千盤萬疊如伏虎聳如龍翔與鳳舞紫葢香爐不可

攀靈禽石因流傳古上有青玉壇下有珊瑚芝對嵐
夕暝鬱不散晶光搖映天風吹君不見峻極亭火雲
岬岬摩列星峯頭丹竈閉積雪盤古神仙今誰靈又
不見朱陵洞珠簾千尺挂飛竦中有幽人醉石眠醒
時閑把清泉弄我來登山興悠哉雲披雨霽無纖埃
虛明到處藏仙窟翛然欲跨青鸞回俯仰乾坤同一
息兀立中峯看秋色氣吞五岳欲凌風何似神遊遍
八極

謁衡岳次韓昌黎韻

岳和聲祠部

岳雲默禱開文公突劃鴻濛界天中靈氣高寒矗萬

衡岳志

七言古

卷之七

八

古斯人傲兀與之雄九向九背七百里崎嶇截業窮
無窮竭來支筇望冥宿嶸薛兩腋凌罡風茫九域
挺八柱旁礪孤撐帝座通上割昏曉搏日月俯散陪
嶠點青空遠浸洞庭插倒影蒸湘瀆沅澹冲融千峯
刻露嵌幽崖往一光怪逗神宮拖藍挹翠碧于染翠
飛翼二間殷紅春雨連旬悵泥阻采蘋一薦愁予衷
千載韓劉與柳子甲夜恍惚歡逢躬把臂爲問岐中
岐百年碁局將無同浮雲习變歷今古了者應知洞
始終五丁移石湯自勞精衛填海難爲功相期待上
望日峯夜半扶桑躍朦朧黃茅青雨龍水客家在衡

陽東復東

大觀樓歌

壬子仲春落成攜鄧邑諸公同登賦

鄧雲霄

玄度衡州樞巡

縱橫千里目浩蕩萬古心乾坤何寥廓山水自高深
樓頭縹緲諸天近玲瓏八面祥飈引誰言新成來賀
燕祗恐孤鷺如結蜃披襟臨水攬蒸湘揮手憑空捫
翼軫遊絲搖曳扇微和城郭郊廛樂事多正看晴景
浮烟樹又送春聲入棹歌棹歌殘渙歌起紫蘭落遠
洲斑竹坐清沚白雲片自南來借問蒼梧何處是
微茫七澤盤心胸凭欄一嘯生雄風我欲挾赤帝鞭
赤龍劃長空而倚劔蹴天山而挂弓平生慷慨羞裒
衡岳志 七言古 卷之七 九

土去國懶裁王粲賦平生散慢恣豪狂興來還踞庾
公床世上人空老壺中日自長爭名與爭利臧穀俱
亡羊君看醢雞不出甕亦有鵬背摩青蒼誰是誰非
園吏夢無憂無喜麴生鄉我為登樓歌高聲振林木
會聞芥子納須彌肯道吾身同一粟幕天席地無邊
幅倦來且抱希夷宿

送張無名讀書衡岳兼訪鄧觀察

韓上桂

平生頗挾尚平願五岳名山登欲遍却慚塵慮未能
清虛說金光徒隱見吾友張生稔嗜奇天外蓬壺恍
見之玄心遏絕無由會直向衡山尋紫蓋紫蓋彤雲

萬朶浮若爲高步眺神州中原指點蒼烟合泰岱嵩
恒次第遊經行沉渚饒蘭蕙閒供佩結明幽契觀察
鄧公吾黨豪夙昔文章同臭味見君攜手當何如一
榻清風意有餘金臺定許能招駿石室相留暫著書
絕頂祝融誰可到手翳芙蓉覓真誥大叫飛鴻且勿
廻芳音好爲故人道故人久臥粵江湓壁上蒼龍怨
別離舉帷壯節青雲隔博物芳隣繫我思箇中浪跡
多玄尚昔日懶殘任豪放煨芋談深會總奇爲君穩
取十年相業糠粃詎足論風流宋玉吐精神雲雨
巫山徒習妄至今雄藻照猶新送君行酌君酒以爾

才華嗣楚騷芳稱到處在人口上林花樹春無邊飽
染霜毫縱高手足踏蓬萊第一峯九州五岳乎何有
莫笑鷓鴣棲獨畀一丘一壑聊孤守

登岳歌

易宗周

九月九日到衡岳乘風直上南臺閣南臺老僧留午
炊芙蓉花開春芍藥翠微深處已公岳羣峰擁秀飛
晴嵐肩輿橫度半山仄省心亭下僧和南莫笑香爐
峯太低俯眎下土分雲泥莫羨祝融峯最上知隔雲
霄幾千丈從來高處不勝寒從來險處那堪瞰我欲
尋之良不難得到上頭天恐暗君不見仲尼登山未

必登其巔達人觀在眼前食棗餐霞總虛語驂鸞
馭鶴誰能仙也知天高地厚有窮盡何必勞二索異
探其玄手持青竹杖袖卷紅雲箋只驅造化入毛穎
畫圖詩卷兩不慳輾然一笑下山去周也萬古名字
傳

下岳

王京

夕陽返照下山時千峯萬峯烟霧裏馬首飛來月一
鈎露珠瓊樹森脚底入山自在出山驚山僧戀別復
相訂何時卜築西南麓相對柴扉茹石英

觀水簾歌

譚元春

衡岳志

七言古

卷之七

十一

潭水溪水滿山淥別懸飛瀑覆寒玉閒花引入亂石
邊壁銜聲冷遙矚空山年二不自絕若有人兮司
蓄泄久立盤石智勇生寂二回首岳峯明

湖南清絕地

譚元春

岍青點二浮沮洳直看天日菰蒲去隨波流山二不
知鷗與前帆落何處輕舟二月桃源間有此奇奔無
此閒雲中湘娥不斷魂疎雨如秋涼萬山二水照耀
晨復昏南方自有湖岳尊人來其間亦如此孤襄落
落千餘里

丹霞寺

彭而述

禹峯衡
州樞巡

丹霞本是南陽山如何移作南岳寺。中遺僧爲我
言南陽始祖開此地此人姓鄧名天然長安謁舉良
不第擔簦爨糧過洞庭卜地南岳棲神智曾于脚底
踏聖僧夏向木佛燒舍利自從祝髮住空山至今石
塔猶巖巖後來歸去老丹霞此間猶傳丹霞字此事
去此二千年南岳有圖寺無記塌來我亦南陽人四
年兩作楚國吏一葉幾渡瀟湘濱策杖一拜祝融位
不知丹霞是舊山瞥眼桑梓良可媿今者僧出篋中
書咄。反驚爲怪事分付他年任山人此事當入衡
山志

題付九仙觀

彭而述

長平山中九仙臺我曾半載任其下事在先皇甲申
年二月黃河渡鐵馬今年庚寅遊南楚驅馬衡山爲
避暑此處也有九仙臺蒼蒼看道士爲我語引我策杖
入方丈石磴詰曲秋蟲響林禽樹下青蓮池一股甘
泉出山顙是時夜雨天初霽空塔倚徙看石砌石刻
磨滅不可讀風雨剝觸苔蘚蔽我爲刮磨細閱之髣
髴猶見至正字傍鐫干支庚寅年爾時天子元順帝
甲子五周年三百允陰百代真過客歷盡銅駝與石
馬此間不改道人宅今年亦是庚寅年我來遊此七

月天桃紅離_二青果醖茅屋雕胡炊白烟感茲歲月
成歎息好憑雲母看山色笑他痛哭華山巔信道不
篤生回惑

中山寺晤某上人

胡景曾

修竹迤邐中山寺礪底笙簧互清吹頭陀不叅玉版
禪門外天風搖个字盤旋窈徑導筍輿歷_二能言檀
越始扶藤苴履霜滿頭修眉未聾荷葉耳試叩南宗
與北宗庭前栢子西來意

岫嶁峯

胡景曾

乘轡當年道南陸天荒地老徒踽踖陡從夢裏授簡

衡岳志

七言古

卷之七

十三

書于焉玉牒發秘匱盤空螺髻青噴岈蒼翠欲滴生
夏寒維時不遇蒼水使方貢何由走琅玕一自隨刊
奠方域神禹巨靈竝功德見說舊碣卓峯頭昌黎詩
在當一則

贈皓白羽人歌

唐世徵

魏子湘潭

青州虬髯身姓李攔入衡岳稱道士過市全排擊轂
車出山仍躡凌雲履曾勾圖澄弄海鷗驀逢王烈掘
石髓三寸風霆作_二營五千黑白供糠粃世人交指
橘皮翁我測殊相疑非是大抵前身蒼箕精再見先
朝邈邈子有時長跪乞靈藥意藏謔浪姑唯_二天寒

酒劣醉維艱省翁杖頭翁躍起白頭知己彭中州百
年荷鋪相爲紀昌黎健筆寫彌明豕腹龍頭一鼎耳
蒼蠅一聲走侯喜此翁恠詫寧但爾頃來欲結九仙
臺復喫紙騾走燕市知翁向後果何終玉洞斜飛瀑
布水

急就歌贈南岳皓白道士

王

岱

山長湘潭

少翁鬚眉君髣髴劫灰不壞有神物手探道書靈岳
中丹砂飽腹明雙鐘青蛇入握不露白日役使諸
天龍空林長嘯動星月餘技約畧驅雷風賣藥湖南
未有名青囊得錢多自傾有時笑入莫中去譚說

衡岳志

七言古

卷之七

十四

羣公驚風角遁奇寓倚伏要與氣逆爭生天心
厭亂應無已世眼茫那知此還山初服恥華裾土
木形骸忘垢鄙海鷗直欲玩朱門偶坐岸花看湘水
握裏秘書肯授予敢告執鞭從此始

次魏子韵贈皓白仙翁

許長庚

適西湘潭

掘山餐玉曾稱李青齊又見山陰士擔頭不共挂瓢
簑等閑遺却橋邊履五十九年誠眼中掀然猶疑三
洗髓忘機王質失柴桑排難魯連直糠粃恥向舒州
遣鶴飛游移北岫成其是操舟留月往來輕踏破蘆
花和芥子把手逡巡一吸消願鋒對客唯著就

名山巖立奇剪斷長天疇繼起咄嗟亂後人半非爲
憶蘇仙如未死霜寒松子落誰家贏得華陽珠繫耳
此事憑翁吞吐間握塵叅香聊復爾舉盃分記合盃
時十室滄桑望海市從君經世且文章岳嶺開雲湘
止水

山門舟中望岳山後背作

袁 貞

山秋如曉皆爭蹟老面憎人不屑對獨剪雙鐘學蒯
生茲來先相青山背世人看面反尋常我獨于背規
情態如龍見尾不見首如工施素未施采如人坐紳
向前行兩邊搖曳風吹佩如女反坐對明窻後影香

鬟却勝黛有時如出天以上有時如隱雲以內黑雲
白雲相間生錯雜爲黃點玳瑁忽然一縷白綃光其
氣無端成沈澹萬樹無形膚骨高披麻大抹筆如續
千盤萬嶺相糾纏後車簇 = 擁前隊不然土偶與石
人毛髮看日都憤 = 入路頗從岳廟前一齊攬盡峯
巒輩

望雨後岳雲

郭金臺

幼隗湘潭

白雲凝山 = 不留山青夏壓層雲浮雲根山態亦何
主暮色蒼茫森遠眸此時萬象羅胸臆曠若鴻濛瀉
天闕渺若洪濤吹海力會中龍象了無知雲淨青山

依舊得娟 = 圓月起高崗微風影動聲琳瑯還照青
山雲起處秋烟萬縷護瀟湘

南岳別巖

岩中有隱僧云自五台來

蕭士熙 邑人

金幢壞榜諸門遠黃飛幾葉秋山晚紅泉百道坐天
半下看漆梓珊瑚榦鴈蕩雞足無碑版住山定有人
姓阮出誦珠零薤露詩歸餐香冷松花飯老向五臺
脚未歇應愛此中無日月鬱羅日月非人間脂染春
桃秋後發崖空曾住王子喬青鳳騎飛雙鳥遙展具
安禪成翠幙必逢仙令下相招八十趙州身如木洞
閉廿年無剝喙斜峴石榻起身遲一足徐伸使我握
衡岳志 七言古 卷之七 六

乃言養鶴是前身君看玄雀夜來宿心知此君非避
秦眼嗔多似恠漁人漁人已去雲深護星臺翠壁怯生
塵未許南陽得問津

南岳怪石詩

劉自焜

山以石成石成山躋險陟幽費往還軟雲之中存氣
象寒日以上見精爽有肯風雨相擊扣拄杖聽之如
泉響初入潭間石是水 = 落山窮石梁起爲屋爲臺
鬼所斧一身艤待仙人鼓尚聞智者與海師衲以石
洗以石補蘊結奇光聚一塔片 = 無縫雲吐納我今
未至曾遊深理妙化自能求安得移住家園內袍

笏朝夕與之對或得長繭圖一幅擬作九華一臂佩

維舟石鼓

劉自焜

兩岸平原烟萬戶分江突出石如鼓以石為鼓象其
形其實鼓聲從中吐以水擊石槌擊鼓象龍風波相
搗舞日落聞兮星露曉釣艇漁艘爭背櫂客子征帆
時上下江心吹笛來庭廡我來數夕臥明月李郎書
聲猶乳荒亭斷碑紛無次禹字蝌文湛公媿
與湛甘泉字獨妙因思古人與今人探奇志恠窮湘浦邦中
誰是靈運手日夕從予闢荒腐

祝融望日

廖應召 永興

祝融截業無今古羣峯下眎若童墜日出窈莫測其
端徘徊雞鳴待吞吐將欲名之何以名陰陽大化此
中生雙瞳炯疑難定水光日色兩相爭忽焉一躍
入雲端朝曦猶帶風濤寒為晴為陰知誰是那得閒
情物外看咄金烏疾於駛三萬六千一瞬耳好將
不朽寄名山人生所貴非金紫

甲辰春與曉堂上人還岳

余天溥 西崖衡陽令

南岳千尋白雪枯七十二峯雲前呼感茲奇冷寘心
目十年欲到今猶無曉堂脫落離三山綻衲襪挂
岳巔風烟子寒萬狀雪瀑俱在筐之邊攜筐相對

渺不見一片秋情問蘆鴈筆花墨瀋化爲詩精瑩蕭
颯聚而戰今日還山索予字筐中反覺多塵事會須
寄語祝融君如何殃及冷中人雖然灰劫原與夢同
塵太虛自是猶等倫君不見雪飛岫嘍之高巔只有
冷處無炎炎

祝融歌

李璩叔晦巴陵人

呼吸瀕洞精且專載登祝融望八埏元氣浩渺無中
邊萬象昭回到目前五行翕闔自陶甄飲以真化齊
愚賢天地萬物互相堅根實循環成距連海峙山流
如可舉雙飛兔鳥天外玄五峰蠹起鹵南天影照洞

衡岳志

七言古

卷之七

六

庭朱鳥縣石磷二兮水潺湲未免塵襟胡眺睚我駕
五峯採璫蓮手搏日月貫飛泉飛霞散雪下百川噴
薄英華光爛燿炎精赫二出山巔山性山情曰自然
五芝維岳赤芝傳掇一須知五亦全魏媪率牛來仙
仙竝驅洪崖爰倥佗古壁苔莓不記年下跡城域箔
蠶眠一器蚯蚓啾二黼電光瞥眼誰能憐封天制地
耽吾便自得其得忘言詮坐看靈嶠生紫烟

送南岳道士李皓白

向大觀望舒潛江進士

泰山道士衡山住讀破南華讀詩賦寧挾奇策勸將
軍不向恒二談章句眼底天地如拳石世人那得知

一故無事北窗枕羲皇有時南塲看農圃收來胡麻
當芝嘗何須掌上覓銅露六月栖舟石鼓邊遇君城
裏呂公前綽約冰雪姑射仙澗談雄論陋往賢世事
君知否碧海浪渺天婦去耕我玉京田羊角挂着逍
遙篇吹笙跨鶴渡橫阡

遊九仙觀有感

廖元度 星沙

層巒萬疊真奇迹紫蓋峯連秋山碧左有鶴來應谷
鳴右有雲岫高岑脊摩頂松陰蒼龍盤長生柏藥清
烟積芙蓉綠竹醉堪題火棗霜柑香可液霞飛列
昇仙壇坐隱悠二秋水奕此中天地杳無時人間甲

衡岳志

七言古

卷之七

十九

子空朝夕廖子脫帽登其宅撫景應想當年脉誰意
逢君顏色殊飄然披戴凡夫隔步虛聲響滿眼前胎
食胸中今古窄好知宗教南宮舊獨憐奔走長沙客
我來不愧南岳遊野服無然羨裘舄君家自是蓬萊
人爲君長嘯標玄格九仙之後十者誰皎二允風李
皓白

俚言祝皓白道士

陳于闕 邑人

辛丑五月十有五遙瞻紫氣浮西塲我固疑是事非
常果然南極增年譜蟠桃不須王母栽幾度蟠桃
于圃御風騎氣兩脚輕熊經鳥伸妙茹吐不獨不倦

誦黃庭鄴架圖史半鄒魯九仙觀又一仙來山岳靈
靈無今古當年釋闔逐管氛澤及衡城數千戶物以
性壽人以仁况復老聃君之祖

俚言祝皓白羽士

吳開運 邑人

數遍花甲正六旬髮鶴顏朱見道真火棗交梨君早
植飄然熊經而鳥伸咄哉活人功世出片語曾釋兩
弁噴帥解兩家忿激之爭轉盼才餘年間事口碑萬古載衡民
精英卓越不可說充塞兩間浩氣純繼跡九仙循芳
躅十仙從今滿其人朝兮暮兮餐霞露池伴桃花石
伴蘋架有奇書樽有酒何如李膺招賢賓亥豕訂訛

衡岳志

七言古

卷之七

三

發幽秘神農大禹獲功臣

墾荒田墓禹碑

謾羨倥侗與彭祖

個是南極之全身

五言律詩

送薛天師往南岳

唐玄宗

洞府修真客，衡陽念舊居。將成金闕要，願奉玉清書。
雲路三天近，松溪萬籟虛。猶期傳秘籙，來往候仙輿。

南岳尋道觀

王勃

枝塵光分野，蓬闕盛規模。碧壇清桂闕，丹洞肅松樞。
玉笈三山記，金箱五岳圖。蒼虬不可得，空望白雲衢。

水簾洞

李元輔

一片挂蒼崖，分明不惹埃。蹙成珠顆白，坐下玉繩來。
野鷲飛難入，山風捲不開。聲去潮海無，意戀巖隈。

衡岳志

五言律

卷之七

一

衡南夕望

杜甫

百丈牽江色，孤舟泛日斜。興來猶杖履，目斷更雲沙。
山鬼迷春竹，湘娥倚暮花。湖南清絕地，萬古一長嗟。

遊衡岳訪已公

杜甫

已公茅屋下，可以賦新詩。枕簟入林僻，茶瓜留客遲。
江蓮搖白羽，天棘蔓青絲。空忝許詢輩，難酬支遁詞。

送道標上人歸南岳

劉長卿

悠二倚孤棹，却憶臥中林。江艸行將遠，湘山往獨深。
白雲留不住，綠水去無心。衡岳千峯亂，禪房何處尋。

題衡岳僧房

韓翃

披衣聞客至關鎖此時開鳴磬夕陽盡捲簾秋色來
名香連竹逕清梵出花臺身在心無任他方到幾迴
題衡岳澹然師房 韓翊

雙林彼上人詩興轉相親竹裏經聲晚門前山色春
捲簾苔點淨下筇藥苗新記取無生理歸來問此身
題衡岳煉師房 韓翊

春城乞食還高論此中閑僧臆階前樹禪心江上山
疎簾看雪捲深戶映花關晚送門人去鐘聲杳靄間
送深法師遊南岳 劉禹錫

師在白雲鄉名高善法堂十方傳句偈八部會壇場
衡岳志 五言律 卷之七 二
飛錫無定所寶書留舊房唯應銜菓鴈相送至衡陽
送元侍御充使南岳 皇甫曾

雲夢南衡盡三湘萬里流山川重分首徒御亦悲秋
白簡勞王事清猿助客愁離羣復多病歲晚憶滄洲
將至衡陽道中作 張祜

萬里南方去孤舟泛自身長年無愛物深話少情人
醉臥襟長散閑書字不真衡陽路猶遠獨與鷹爲賓
送衡岳知興上人 賈島

久住巴興寺如今始拂衣欲臨秋水別不向故山歸
錫掛天涯樹房開岳頂扉下看萬里曉霜海日生微

送僧還南岳

周賀

辭僧下水棚因夢岳鐘聲徑路獨歸寺幾時重到城
風高寒木落雨絕夜堂清自說深居後隣州亦不行
贈然上人往南岳
周賀
竹筵瓶水新深稱北窻人講罷見黃葉詩成尋舊隣
錫陰迷坐石池影露齋身苦作南行約勞生始問津
冬夜寄衡岳僧
劉得仁

營不自停睽潤隔年情林下期難遂人間事旋生
鳥棲寒木迴月映積冰清石室焚香坐懸知笑爲名
贈衡岳楚雲上人
溫廷筠

衡岳志

五言律

卷之七

三

松根滿苔石盡日閉禪關有伴年三月無家處二山
烟波五湖遠瓶屨一身閑岳寺蕙蘭晚幾時幽鳥還
贈僧雲棲入衡岳
溫廷筠

塵尾與筇杖幾年離石壇梵餘林雪厚碁罷岳鐘殘
開卷喜先悟漱瓶知早寒衡陽寺前鴈今日到長安
送衡山元遂上人
李頴

白衣遊帝鄉已得事空王却返湖山寺高吟水月房
雨中過岳黑秋後宿船涼迴顧秦人語他僧宿上方
南岳有感
干武陵

杜陵無厚業不得駐車輪重到曾遊處多非舊主人

東風千里樹西日一洲蘋又渡湘江水湘江水復春
送友人歸岳

杜荀鶴

家枕三湘岸門前卽釣磯
渙竿壯歲別鶴髮亂時歸
岳靜無猿叫江春有鷺飛
平生書劍在莫便學忘機
尋真觀

杜荀鶴

寂_二白雲門尋真不遇真
祇應松上鶴便是洞中人
藥圃花香異泉沙鹿跡
新題詩留姓字他日此相親
翠巖寺

曹松

何年話尊宿瞻禮此堂中
入郭非無路歸林自學空
濺瓶雲嶠水迸磬雪川風
時說南宗事知師用意同

衡岳志

五言律

卷之七

四

貽南岳楚霄上人

曹松

在秦生楚思波浪接禪關
塔礙高秋鳥窓藏白日山
樹陰移艸上岸色透林間
樓內譚經徹空攜講疏還
贈衡山麋明府

曹松

爲縣瀟湘水門前樹配苔
晚吟公籍少春醉積林開
滌硯松香起擎茶岳影來
任官當此境更莫夢天台
岳麓寺

曹松

海雲山上寺每到每開襟
萬木長不任細泉聽更深
蜩沾高雨斷鳥過夕陽沈
此地良宵月長裏隔楚砧
兜率菴

裴說

一片無塵地高連夢澤南僧居跨鳥道佛影照漁潭
朽枿雲斜映平蕪日半涵行不得任迴首望烟嵐
不出南岳僧
裴說

四遠叅尋徧脩行却不行耳邊無俗語門外是前生
塔見移來影鐘聞過去聲一齋唯默坐應笑我營營

寄衡岳處賓上人

裴說

惟得意相親高攜一軸新能搜大雅句不似小乘人
岳麓擎枯檜瀟湘吐白蘋他年遇同道爲我話風塵
寄南岳貫休
裴說

憶昔與吾師山中靜論時總無方是法難得始爲詩

衡岳志

五言律

卷之七

五

東犬眠乾葉饑禽啄病梨他年白蓮社猶許重相期

旅次衡山

裴說

欲往幾經年今來意豁然江風長借客岳雨不因天
戲鷺飛輕雪驚鴻叫亂絃晚秋紅藕裏十宿寄漁船

贈南岳僧

方干

忘機室亦空禪與沃州同唯有半庭竹能生竟日風
思山海月上出定印香終繼後傳衣者還須立雪中

遊南岳

張喬

入巖仙境清行盡復重行若得閑無事長來寄此生
澗松閑易老籠燭晚生明一宿泉聲裏思鄉夢不成

寄衡岳友人

張喬

相夢如相見相思去後頻舊時行處斷華髮別來新
浪動三湘月烟藏五嶺春又無歸北鴈書札寄何人
送友人遊衡岳

張喬

所投非舊知亦似有前期向路長江上揚帆細雨時
春生南岳早日轉大荒遲盡採瀟湘句重來慰所思
李道士歸南岳

張喬

千峯隔湘水迢遞掛帆歸掃月眠蒼壁和雲著褐衣
洞虛隔溜滴徑狹長松圍只恐相尋日人間舊識稀
江上送友人遊南岳

張喬

衡岳志

五言律

卷之七

六

何處積鄉愁天涯聚亂流岸長羣岫晚湖濶片帆秋
買酒過漁舍分燈與釣舟瀟湘見來鴈應念獨邊遊

岳館

沈雲卿

洞豁仙人館孤峯玉女臺空濛朝氣合窈窕夕陽開
流澗含輕雨虛巖應薄雷正逢鸞與鶴歌舞出天來

送陳明府歸衡山

黃滔

野鶴兼雛下單車出柳烟三年兩殊考一日數離筵
久別潮波綠相思岳月圓翠蘿曾隱處定恐却求仙

寄衡岳劉錄事

喻鳧

域西青鳧寺累夏漱寒泉今在提綱所應難掃石眠

風沙榆塞迴波浪橘州偏重整瀟湘棹心期夏幾年

岳寺秋雨有襄

喻 鳧

修 = 復震 = 黃葉此時飛隱几客吟斷隣房僧話稀
鶴寒栖樹定螢溼在窓微卽事瀟湘渚漁翁披艸衣

送道士于千齡遊衡岳

崔 塗

物外與誰期人間又別離四方多事日高岳獨遊時
猿狖瀟湘對烟波屈宋祠無因陪此去空惜鬢將衰

贈南岳去秦禪師

尚 顏

曹溪入室人終老甚難尋四十餘年內青山與白雲
松和巢鶴看果共野猿分海外僧來說名高自小聞

衡岳志

五言律

卷之七

七

居南岳襄沈彬

尚 顏

石房閑竹徑茗外獨支頤萬木還無葉百年能幾時
隔雲聞狄過截雨見虹坐因憶岳南客晏眠吟好詩

寓岳送衡州薛從事

鄭 巢

吟去望雙旌滄洲晚氣清遙分高岳色獨出遠蟬聲
楚雨雲連寺湘寒浪浸城孤猿不可聽一聽白髭生

寥八歸衡山

宋歐陽修

曾作關中客嘗窺百二疆自言秦隴水能斷楚人腸
失意倦京國羈愁成鬢霜何如伴征鴈日 = 向衡陽

和元晦

張 栻

歸袂隨雲起，籃輿趁雪明。山僧苦留客，世故却關情。
小倚枯藤杖，聊聽絕澗聲。如何山下客，一笑已來迎。

福嚴寺

張 栻

擲鉢峯前寺，肩輿幾度來。樓臺還舊觀，松檜撫新栽。
湘水堂三去，秋山面三開。徘徊千古思，風磴有餘哀。

高臺寺

張 栻

着屋懸崖畔，開窗疊嶂秋。半欹雲樹冷，不斷石泉流。
茗椀味能永，竹風聲更幽。平生版菴老，得句似湯休。

自方廣過高臺

張 栻

兩寺清聞磬，羣峯石作城。風生雲影亂，猿嘯月華明。

衡岳志

五言律

卷之七

八

遊西嶺行後洞山路

張 栻

西嶺夏西路，雲嵐最窈澹。水流千澗底，樹合四時陰。
幽絕無僧住，閑來有客吟。山行三十里，鐘磬忽傳音。

和元晦後洞山口晚賦

張 栻

石裂長藤瘦，山圍野路深。寒溪千古思，喬木四時陰。
更得尋幽侶，何妨擁鼻吟。笑看雲出岫，維是此無心。

宿方廣寺

張 栻

俗塵元迴隔，景物自天成。山近四圍碧，泉鳴永夜清。
月華侵戶冷，秋氣與雲橫。曉起尋歸路，題詩寄此情。

晨起霜晴

張 栻

晴嵐開岳鎮雲雨斷陽臺日出寒光迴川平秀色回
興隨天際鷹詩寄嶺頭梅盛事七年說憑君記一杯
用元晦定王臺韻

張 栻

珍重南山路驅羸幾度來未登喬岳嶺空說妙高臺
曉霧層層三欽奇峯面三開山間元自樂澤畔不須哀
和擇之看雪

張 栻

岳背三冬雪真同不夜城野雲何見蕩澗水助空明
行橐多新句青山有舊盟堂三身世事渠謾說三生
贈上封諸老

朱 熹

衡岳志

五言律

卷之七

九

夜宿上封寺翛然塵慮清月明殘雪裏泉流隔窗聲
楮衲今如許綈袍那復情爐紅虛室暖聊得話生平
祝融峯

朱 熹

今年緣底事浪走太無端直以心期遠非貪眼界寬
雲山於此盡風袂不勝寒孤鳥知人意茫三去不還
十五日再登

朱 熹

江流圍玉界天影抱瓊臺拄杖烟霄外中崑日月回
箕山藏遁許吳市隱仙梅一笑今何在相期再舉杯
與爻同登岳舉酒極談

朱 熹

我已中峯任君從何處來莫畱崑底寺徑上月邊臺

濁酒團欒坐高談次第開前賢渺安在清醕寄餘哀
晨起霜晴

朱熹

比者無新夢南山有舊臺端能成獨往未肯遽空回
磴滑新經雪林深不見梅急須乘霽色何必散銀杯

後洞山口晚賦

朱熹

日落千林外烟飛紫翠深寒爾溼凝底積雪尚崖陰
景要吾人共詩留永夜吟從教廣長舌莫盡此時心
自方廣過南臺

朱熹

素雪留青壁蒼霞對赤城我來林壑晚人說夜燈明
貝葉無心得蒲人有舊盟咄哉寧負汝安敢負吾生

衡岳志

五言律

卷之七

湘江留別

文天祥

文山

瀟湘一夜雨江海十年雲相見皆成老重逢便作分
啼鵲春浩蕩回鴈曉殷勤江濶人方健月明思對君
合江亭

文天祥

天上名鵝尾人間說虎頭春風千萬岫合水兩三洲
客晚驚黃葉官閒笑白鷗雙江日東下我欲賦扁舟
謁朱張二賢祠

明駱堯知

夙駕初登岳從師几杖新江山開地軸溪溜聽天鈞
採藥雲迷路扳林月在身哲人應識我不是浪遊人
遊靜谷

戴嘉猷

宦况仍清冷幽尋入此中泉飛晴入雨花落暮春風
猿鶴情悰雅芝蘭臭味同岳雲送歸目遙到富春東
遊岳麓

戴嘉猷

不作南遊客何因到此堂心虛天共遠意足月俱涼
物色經秋澹江聲入夜長曲肱聊假寐彷彿見朱張
雨霽登岳

戴嘉猷

過雨山如沐看山及此時合林通徑小斷靄路徑奇
遠覽防心障高登覺地危遊觀存警策此意達人知
又

戴嘉猷

大霽翬飛閣衣冠壯此遊林雲晴作雨巒氣夏成秋

衡岳志

五言律

卷之七

十一

鳥竝松岡語泉分藥圃流箇中饒逸興峯頂瑞光浮

石鼓書院

朱維京

未討金科蹟先探石鼓文千峯杯外落二水檻前分
古碣餘秦篆荒臺滯楚雲西窗青一帶岳色遠氤氳

盤石菴

張勉學

名山饒勝地盤石是吾廬一徑春常滿三生願已餘
松雲侵榻冷蘿月度牕虛暇日頻過此焚香味道書

已公菴

陳能

山深雲作雨石淺水生花琪樹欺霜霰禪僧閱歲華
浪遊多過客幽隱是誰家擬約浮丘伯同來咽紫霞

南臺有懷

鄒善

聞聽山僧話羣仙天與徒有時叅石髓竟日坐松樞
抱一一何有觀空空亦無自憐搜世網篙目睨方壺
坐兜率石上

鄒善

別有一乾坤雨餘竹樹繁蕭疎塵慮息寂寞道心存
危閣欹凌漢幽溪曲抱源暝來盤石上趺坐竟心言
鷹峯

許宗魯

翠巘穿雲上青山回鷹峯江流分楚越風日間秋冬
莖望隨天盡鄉心對酒濃雲霄羨陽鳥無翼爾相從
又

許宗魯

衡岳志

五言律

卷之七

十三

近郭山林僻浮空竹樹開瀟湘縈素練雲物護丹臺
歲晚羣芳歇天長旅鴈回遠遊思擬賦真愧屈平才

衡岳僧

蔡潮提學副使

南臺無碍叟茹草幾年餘心靜寒灰似形臞野鶴如
佛龕燈再續塵世跡應疎萬象芙蓉裏鐘更禮梵書

半山亭

范永鑾

小坐方亭靜雲深景自幽捲簾飛紫蓋俯几看湘流
路接三千界峯廻八百洲祝融容易到望遠興還稠

半山亭

董策

石磴羊腸險雲門鳥道縣半山還翠蓋萬壑響清泉

爲聽高僧偈應憐對月眠還期登絕頂不負探幽玄

祝融峯

陳鳳梧

靈龜一片石千古是飛來縹緲臨風豁蒼茫試劒臺
中天紅日起遠岫碧雲開四顧無人跡惟聞猿嘯哀

上封寺

胡直

紫蓋接芙蓉層巒歷上封穿雲迷後侶失路聽前鐘
世界歸天眼烟霞入性宗莫矜凌絕頂猶有最高峯

又

胡直

客有冷然興隨予躡紫烟狂歌希散聖宴坐見諸天
臥榻依南斗齋厨注細泉但同無愛染那用禮金仙

衡岳志

五言律

卷之七

十三

李鄴侯隱居

尹臺

舊宅迷黃葉荒基指碧岑高賢不可見流水暮烟深
石折懸蛇逕雲霾伏虎林相唐坐大業往迹嘆而今

住方廣

羅洪先 念菴狀元

坐石忽忘去買山無後期不憐生是寄翻以愛爲悲
門憶曾題處松看初長時千季風與月來者自棲遲

訪大方靜室

羅洪先

一徑遠微深林自掩扉結茅隣虎穴積葉臥牛衣
苦藥朝存食寒藤夜獨歸無心荅問語誰辨萬緣非

上封寺

羅洪先

絕地敞龍宮千峯擁祝融烟雲遙泛海樓閣盡懸空
檻俯湘中樹窻來天際鴻不須談棄屣雙鳥正乘風

祝融絕頂石

羅洪先

雲路轉高寒秋空入大觀石從銀漢取樹傍白榆看
忘語天休問齋心露可餐不因遊象外那解出塵難

穿雲入方廣

羅洪先

雲裏度遙岑臨虛逕轉深石迷多伏虎樹隱獨聞禽
乍識爲霖意誰明出岫心鴻濛如解語吾欲寄瑤音

出方廣

羅洪先

齋心踰一七經義破三千黃葉石間路青松山下泉

客遊朝復暮禪定日如年回首鐘鳴處深林隔四天

方廣

高簡

石廩迎天柱金蓮湧地維招提秘邃徑賢哲洽襟期
日月迴鳴澗乾坤付奕棋誰餐金炁草長此寄鷓枝

方廣

歐陽繼

信宿留方廣秋容別市城高風寒葉墮新月夜堂明
蟲韻偏依石螢飛却近楹與僧談夢幻真覺愧浮名

南臺

謝邦信

共說南臺勝班荆得賞音倚欄星宿近下榻白雲深
碧篠環山玉黃精布地金水簾風動夜病骨覺寒侵

次念菴太史韻

陳慶

登山殊不厭，祇恐負幽期。一入諸天寂，能忘萬劫悲。
澗深龍臥處，松老鶴來時。竊憶朱張會，因憐躡履遲。
結亭兜率菴，後宴坐有懷。盧星野

名岳應星躔，幽溪隱法筵。高人來結屋，野客坐聽泉。
翠竹今誰主，丹崑夙有緣。盧敖天外去，暫借幾回眠。

觀音崖晤楚石

胡慎齋 泰政

曉入圓明洞，因逢楚上人。夜蟾窺覺性，秋水挹清神。
無事境常寂，不言情自親。空門今亦悟，應悔逐風塵。

玄明洞

郭莊 負外

聽經來覺洞，問梵到禪扉。赤鳥西方沒，白雲下界飛。
諸天同窅寂，雙樹轉依微。惟有聞鐘夜，明心問息機。

別楚石禪師

彭鳳 夢瀑翰 林學士

白晝雲迷洞，青天瀑吼雷。此中有支遁，清坐給孤臺。
紫蓋雲端去，峨眉雪頂來。圓明鏡長在，法錫自空回。

又

彭鳳

萬木浮香閣，千峰對掩關。雲間僧亦定，流水到人間。
師住圓明境，真叅曹洞禪。何時與師說，來此共潺湲。

圓寧僧房

邊維垣 副使

一僧幽臥處，但見白雲深。采藥爾何去，扶筇我獨臨。

寒花連竹逕秋水照松陰眼界俱無染因之生道心
觀音岩 邊維垣

日晚共登臺浮雲萬里開鴈聲天外落蟾影海邊來
玉露團秋艸銀河入酒杯相看幽意愜不必問蓬萊
南臺 常守成

峯下南臺寺秋霄借榻眠星河垂近牖鐘磬下遙天
紫殿猶傳古丹竝可問仙夢遊何處所疑到白雲邊
方廣謁二賢祠 劉 穩 仁山

向來懷板屋今日慰心期賴有斯文在能無絕學悲
雲山迢遞路風雪唱酬時此意憑誰會悠々歸去遲
衡岳志 五言律 卷之七 十六

又 劉 穩
清晨度翠微傍晚扣禪扉月上蓮花頂雲侵薜荔衣
古祠芳艸合高樹暮禽歸為憶經行處紛然岐路非
南臺 何 止

山頭初歇雨趁暖過南臺僧老青松外泉鳴翠壁隈
苦心籌石煉薄分愧雲開虛閣沈吟罷登峰客又催
暮投方廣寺 張居正

白雲處々滿行子暮何栖不辨幽林色惟聞歸鳥啼
虛岩映靈籟人語隔前蹊夜宿莊嚴境明珠照客迷
訪大方禪僧 張居正

煙雨曉微 = 山僧未啓扉花壇分石髓苔壁掛牛衣
揮塵頻聞難停杯已忘歸曹溪一宿後真覺夙心非
方廣燕坐
張居正

幽懷何所託長與薜蘿期聽法過祇苑皈依心禮大悲
經晴雲起處松鳴鶴歸時此意人先覺吾來已較遲
遊南岳
王京

振衣南岳寺幽絕景偏多石几堆紅葉禪床近碧蘿
憑虛宜遠眺適興自高歌極目秋空澹悠然一鳥過
超然亭
呂希周

綉壁懸千丈超然見此亭江燈山外起鐵笛坐中聽
衡岳志 五言律
卷之七
七
醉眼憐行屐高歌倚石屏飄 = 忘去住明月且須停
登祝融峯
林茂桂

赤帝乘離位中峰最上頭振衣南斗近縱目紫暝收
彷彿迎朱鳥憑陵跨玉虬長風如可馭四岳任遨遊
峯頂雪樹
林茂桂

積雪逢新霽峰高羣玉寒千巖懸石乳萬樹簇琅玕
枝厭白龍舞條坐素鳳蟠瓊膏堪澤骨采和碧霞餐
望岳
劉堯誨 臨武人

曾愛頭陀記秋風此日身夢回蒼水使書絕魏夫人
白石山中飢黃芽世外春金門須大隱歸志豈尋蓴

宿上封寺

劉堯誨

祝融望不極百道飛靈泉海日流珠急天風孤嶼懸
神開金簡秘僧飽石糧眠莫恠耽空寂功成別有緣

朱陵洞

劉堯誨

慣歎山前路行吟人不疑礪迴青障合雲湧碧簾坐
石髓浮春酌金光動曉曦玄虛不可覓欹枕問希夷

留紫雲方丈

劉陽三峯

雲久琴生潤雲來戶且扃澗緣龍氣紫峰作藕花青
石畔收菑蕪松根斲茯苓山中留客住渾不世間營

九仙觀址

祠部曾朝節直齊臨武人

翩九羽客騰躍在珠庭福地空殘礎仙踪只落星
燒丹應秘術鍊氣總遺形雅尚紅塵外誰傳相鶴經

觀日

伍讓郡人提學

策杖臨丹巘捫參出半空露凝仙掌白霞泛海門紅
秋色三山外陽輝萬島中應須擎紫蓋飛向若華東

岳遊卽事

伍讓

褰帷看岳色上下歷山原曲磴穿雲竇清泉漱石根
梵宮塵不到虛徑霧相吞况有煙霞客幽期可共論

宿方廣

伍讓

良夜同僧話燈明古佛前雙林濯露冷一榻和雲眠

真境原無礙塵勞徒自牽欲知清淨理看取碧山蓮
宿天聖閣 伍讓

高閣倚巖邊松林宿暝煙星河搖戶牖夜雨滴秋泉
覺夢元非俗清虛似欲仙曉來鐘磬發稽首世尊前
登申仙人石室 伍讓

石室縱層霄雲山入望遙丹成雙鶴下道大百靈朝
秋老崖前桂風傳天外簫探奇欲未已明月坐相邀
送念都道人入南岳 伍讓

衡岳七十二處足煙霞採藥經何地眠雲卽是家
朝看滄海日暮倚玉壇花待得丹成後安期棗似瓜
衡岳志 五言律 卷之七 十九

登南臺訪舊僧聽琴有感 王之屏 郡人
偶停塵外策忽聽隔窗琴在世能超劫移嶽解証心
餘生歸鹿苑大道隱珠林鏗爾高臺上躊躇戀夕陰
望衡岳 何文

行盡衡湘路方知南岳尊衆山皆地伏一柱入天門
辰極遙分位炎荒近吐吞無由起瀟霍一訪此靈根
訪衡山廖凝山居 李建勳

卸地相尋夜荒山雪灑篙虛堂看向曙吟坐共忘勞
溪凍聲全減燈寒燄不高他人莫相笑未易會吾曹

遊羅浮有懷南岳

仙傳云羅浮
爲南岳前洞

鄧雲霄

地脉通南岳仙源迴不分振衣躡倒景揮手弄飛雲
望 = 朱陵氣霏 = 赤玉文願騎五色鳥遠訪祝融君

湘江舟中望南岳

鄧雲霄

仙峯七十二紫蓋氣偏驕縹緲如飛去昂藏獨不朝
聽殘湘女瑟腸斷翠鸞簫何日憑雲宿金丹浴月瓢

過半山亭

管大勳

始向平厓立蒼茫氣色分勝遊偏霽雪靈睭自開雲
廻鴈遙空度鳴泉絕壑聞此中堪太隱猿鶴卽爲羣
南臺寺

易舒誥

懸崖千尺閣時眺抄秋初直上最高處恍然聞步虛

衡岳志

五言律

卷之七

三

燭流經宿火盤出未嘗蔬此是清涼境宜藏貝葉書

望五峰

趙良相

五峯春欲暮閒步訪僧房隔水疎鐘度凝眸爽氣長
松花飛淨土樹影卧斜陽自是毘盧境修 = 歲月忘

再遊方廣

陳惟順

南崖

泉流百折澗雲擁萬重山虎吼風生地鳥啼月滿關
蕙蘭吹嶺氣杖屨失愁顏天縱山人興葛巾任往還
次張孝廉方廣同宿見贈

岳和聲

行盡七千里山中才見君岳開蓮作寺人散咳爲雲
劍喜雌雄合星占吳越分不緣清夜坐自性得聞聞

宿天尺菴曉起

張博

三更鐘磬寂永夜佛燈明月露床頭溼秋泉夢底清
起看星欲墮坐向斗間橫欲待天門啓吾將謁玉京

山居湯作

張博

地僻遊人少山深古寺荒倚崑開艸閣倚竹結繩床
老衲逢煨芋山翁笑賣薑逃閒聊假日亦足傲羲皇

壽儀部過山齋夜談

張博

世外逃喧地林開識使君言尋南岳勝夏踏萬山雲
淪茗畱趺坐高談入夜分何緣流水調得向靜中聞

祝融

袁伯瓚 稚圭 枞州人

衡岳志

五言律

卷之七

三

混沌何年闢蓬壺此地幽客因觀日到仙欲御風遊
採藥雲生履捫蘿霧溼裘吾將解世網隨分老丹丘

宿上封

袁伯瓚

竹杖來方廣繩牀宿上封高低黃葉路隱見白雲峯
月度歸林錫風吟隔寺鐘登時塵想寂箕踞坐長松

衡岳詩

丘兆麟 毛伯衡院

翺翔雖却鴈馳驅已窮驄吁氣干熒惑躋巔躡祝融
始知瀟位閔益辨楚風雄剛好吐雲夢全湖在目中

二

丘兆麟

無侯康侯屐岫嶺翛忽登御風身一葉捫漢手雙藤

似仙飛劍履應徒視親朋宰相仍凡骨長源識未能

三

丘兆麟

第一峯頭立奇觀得未曾世幾無目着天竟有階升
路與神仙遇雲頤氣骨蒸懶殘吾自識無俟問山僧

四

丘兆麟

登臨尋古寺嵐烟隔幾重峯頭遙見塔天外忽聞鐘
徂墮蹊間粟僧歸洞口松攀躋猶未半日已是中春

五

丘兆麟

方訝源垂盡路迷有負薪藏書唐宰相遺履魏夫人
世外棲何日山中住可旬莫愁糧裹盡崖菓落陳陳

衡岳志

五言

卷之七

三

廟雨

譚元春

不聽下山雨何知山霽難遊情成委曲天意示波瀾
堦蠢動新溼松禽變夏寒此身衰俗內入廟敢求安

洗衲池

譚元春

日下寺峯靜水流橋路深清暉向前去奇影自相沈
以我倚松意知師洗衲心聲光融萬物不獨在長林

過南岳舊讀書處

周聖楷

伯孔楷
潭

慚愧山中路青松別後長鳥聲風雨溼麋跡艸花香
知識僧俱換登臨橋已傷幽懷無處着立盡一溪光

岳雲

周聖楷

似練風還捲飄搖入夜時一燈寒不定萬木響頻移
日力翻能健山情盡可疑避人當酒坐直覺見樓宜

方廣

茅瑞徵 五芝

窮幽覓古寺峰遶薜蘿深竒罅煙全鎖晴巒氣亦沈
僧來穿鳥道香發出松林坐聽清泉瀉何煩絲竹音

石間觀瀑

堵胤錫 仲緘明季巡撫

古澗行忘曲野水過橋陰不着春風面時呼山鳥心
頻移高漸入小坐石相等寄語迷津叟桃花開到今

又

堵胤錫

客菁交路溼嫩影入昇輕乍雨雲開合能親山性情

衡岳志

五言律

卷之七

三三

懸崖驚在眼聽瀑敲無聲杯酒生平意相逢惜姓名

謁朱張二夫子祠

堵胤錫

猶見先生宇巍然古剎前勿深同異辯翻借磬鐘緣
棟落陰晴雨蠶飛晝夜泉古期今在昔迴戶歷星懸

又

堵胤錫

四十悲聞力仰面悵何求從前都過眼夫子在高頭
未便登爲岸難量水作舟蹉跎思接引滄海一梗浮

玉門望獅子峰

王夫之

屢望高難到前冬一杖時分明霜雪苦偏側虎狼欺
芒屨仍潭水石函尚小詩只今腸可斷翻笑昔情癡

陟岳遇雨

清周崇旦

鶴居長沙司李

着屐擬登岳霏_二宿雨來峯高埋疊霧徑小溼層苔
馬逐春雲喚花隨野水開扶筇巔絕處差可這中猜

中山寺

周崇旦

薄海尊南岳尋幽萬里來望迷山雨外行滑逕中苔
古勝雲爲護窮巔日半開賡詩無得句徒向夢餘猜

水簾洞同朱青崖令君

黃肇熙

憶溪衡州司李

筍輿凌險磴翠壁訪名泉映日懸珠箔迎飈拂石絃
瀟_二憐舞鶴颯_二興飛仙五月來消夏人間此洞天

二

黃肇熙

衡岳志

五言律

卷之七

三四

對茲生靜悟堪與結茅檐帝女湘靈瑟鮫人冰雪縑
玲瓏全徹映噴薄欲驅炎歸路葛衣溼猶疑山雨沾

九仙觀贈皓白道人

黃肇熙

丹崖逢道者雲水此棲真瑤艸呼龍種松杉與雀隣
山深聞白晝洞古絕紅塵相對悠然意吾生羨隱淪

二

黃肇熙

來訪九仙侶千峯護碧城丹爐飼白鳳劒氣老蒼精
泉石爲供奉雲烟自送迎更饒幽靜趣真欲剗浮名

讀崔五竺拜松吟賦贈

黃肇熙

寄言蒼叟氏飛節自何朝寒傲宜僧伴盤空獨鶴招

蚪髯知飽雪鐵幹欲撐霄我亦慙陶令居然學折腰

二

黃肇熙

聞聲應寤寐題句想幽奇謾二助禪塵亭二立梵儀
清飈高士傳勁節古人期幸不辱秦爵如公足拜之

冬十月六日禮衡岳頌二章

陳希爻

孝兼

浩氣鍾南岳寒生十月春虞封圭璧重漢衛栢松新

漢時封岳松為大將軍

地極昭鵠火峰尊宿鴈賓此時壇下拜

驚喜集臣身

二

陳希爻

清心登帝側古木鬱蒼二藍縷開三楚包茅禮百王

衡岳志

五言

卷之七

三五

龍吟楓浦暗烏落洞庭光一自齋宮宿丹霞已滿裳

同梁至鉉諸子宿上封

陳希爻

攜手上長離蒼茫入暮時雲生全楚暗鐘落萬峯知
極地懷深畏空天發大疑蹉跎人世裏四十恨來遲

宿上封寺

梁珪

至鉉

到此雖非盡峯巔卽祝融溼雲連百仞靈籟落層空
撥火寒依佛聽鐘遠辨風只求朝日出深夜禮蒼穹

岳遊雜興四首

崔

從五竺

連朝溪影裏綠暗但疑春採藥逢雲母題蕉憶酒民
羣峯迷瀑練萬竹罩山中野鹿籬邊過呼他菊道人

二

崔 從

嵐烟遊弗勸奇興破蒼冥峯幟爭瑜亮山花泣尹邢
頰霞翔鳥路綠蘚帶虬腥那復捐塵務來翻貝葉經

三

崔 從

峯晴不可問客思但蕭騷山霧埋青蘓溪篁送碧濤
曉音知鳥倦頰尾識魚勞是處多征戍空邨哭石壕

四

崔 從

駕言訪洋光來往涉霞水清梵振天機野樵測山理
懸岩拾紫梨隔塢鉏蒼耳暝樹霜禽呼孤烟石樓起

雲岳宮

崔 從

衡岳志

五言律

卷之七

三六

來謁清虛境烟蘿不世情雲霞生杖底鐘鼓和松聲
道骨高峯立玄風古觀盈三花特地現岳頂最崢嶸

雨宿中山寺和周司李韻

于公胤

容翺善化

次第探名勝蒼烟四合來天空惟見霧石洗但存苔
野鳥穿林喚岩花趁雨開中山假一寐喜作白雲猜

岳路

郭金臺

幼隗湘潭

豈有漁郎誤仙源盡日尋桑麻封鳥道樵爨護山陰
莫茗迎泉落看雲出洞深時聞松竹響徑接梵王音

中山寺

郭金臺

兩壁西南柱叅天共一門畫圖峯盡屋蕭瑟樹無村

萬壑聲爭墜千山鳥不喧向來幽興極到此欲掀翻
早上九龍盆 郭金臺

耳目忽不住山行為移情隱泉奔石出欹樹障岩平
徑轉香風度橋過宿鳥驚不知煙徑裏亦有曙鐘生

憶遊

廖聯翼

衡陽

憶昔遊岳日於今近十霜白雲猶在珮明月尚留簧
地迴鐘聲古松高崔夢長何時重結伴相與話扶桑
宿雲峰寺贈湛上人 劉爻光 杜三

結菴山絕頂度世下雲峯松蓋分巢雀紙牕微碍蜂
龍尋牀下益石聚講時鐘語我天台路白雲猶未封

衡岳志

西言律

卷之七

三七

祝融夕望

劉爻光

是處夕陽好祝融看自殊空濛平四顧蒼鬱浩千隅
鴉晚巢分認峯晴翠不孤來時紅未了相待只須臾

暮宿淨瓶崑

劉爻光

晚霽人行影諸峯翠倚欄鐘隨千界滿門立一僧寒
笋老春陰薄雲歸岫路寬青螺浮百寶光散此林間

大陽泉

劉自焜

朴先攸縣

日頂出寒泉高山氣乃全與鐘相上下隨石列中邊
老衲閒修汲齋厨自煮煙因知潭壑內澤是龍淵

鴈峰寺

袁 貞

截辟烟允紫仙陀載酒登黃金千葉佛白髮六朝僧
樹缺西山奏江寒邵水蒸鷓鴣春色裏落日照朱陵
送羽人李皓白還岳 袁 奘

縹緲九仙觀雲深羽客家鬚蒼留道德衣履帶煙霞
藥錄天台艸丹存勾漏砂飛來船已去何處問仙槎

二

袁 奘

黑劫山河盡真人救世來無湖堪乞賀有姓欲書回
鬼役腰邊劍龍驅掌上雷旌陽功未足忍臥祝融隈

送岳僧似石北遊

袁 奘

幾年雙赤脚祖塔得允輝似石住岳募修一讓遷二祖塔一滴曹溪

衡岳志

五言律

卷之七

三

血千傳竺國衣笠瓢尋勝侶猿雀守空扉不肯活埋
罷凌空錫又飛

清涼寺半烟亭偶韻

袁士英 襄陽

古寺橫山廓閒亭淨梵天峯霞隔岸曉水月照人圓
清磬窗飛雨寒泉石逗烟居然三象外一指欲聞禪

賦得祝融五峯尊

次別駕劉公韵

李呈玉

南岳當名勝崔嵬說祝融羣峰低自小眾經曲能通
海日幽允外山嵐積翠中從來登眺者一嘯氣凌空

暮春同諸子泛舟登岳麓

楊起雲 岫青襄陽人

靈麓飛青靄清湘弄碧波山空啼鳥近春去落花多

石碣懸苔蘚梵音繞澗阿
歸來尋渡口欵乃聽漁歌

半山亭

曹懋極

一亭峯半結篙路小如紋
寒氣通苔背秋風透石黃
磬聲林外出山色望中分
湧試摩天屐層層入頂雲

山中卽事

吳開運

泰升邑人

山中別一天井灶襍雲煙
八月秋能老三肯夏不然
泉鳴晴若雨竹密坐兼眠
曲水穿厨入苔痕日鮮

雨宿九龍盆新霽

吳開運

雲房沈雨夢波影放新晴
竹鳥欣相悅湖天意外清
烟微山氣冷風舞蝶衣輕
百慮從茲掃清流好濯纓

衡岳志

五言律

卷之七

三九

毘盧洞

羅

楨

克生邑人

避俗藏幽徑開軒聽落泉
雲瞞山失翠石漱水如烟
犬吠風搖葉猿悲雨過天
靜中人自古唵罷只貪眠

怡雲菴看雲

羅

楨

聞說怡雲勝看雲倚碧林
過花疑霧薄入樹愛烟深
鴈度渾無字風飄若有音
往來憑逸興不必問晴陰

寄九龍盆鐵菴頭陀

羅

楨

欲覓無生路偶來共岳遊
借山埋俠骨倚壑寄虛舟
世事逐雲散壯心先老休
秋風如可待剪燭話層樓

望日

三韓連登科

達先郡陽令

不見扶桑奇蒼茫若木東丹岩收露白黑海沃雲紅
想像潮光湧躊躇夜氣充清虛舒萬象極目已難窮

嶽路春遊

文 炳虎若邑廩生

觀山雨後翠返照霽中明雲繡鴉青帶澗香鴨綠蘅
徑踈梅笑月山曠鳥窺晴無限清爽氣春風惹袖生

南岳鳥語

晉雲中 羅映墀君召蔭監生

晨光方涉牖惺鳥通聲圓似惜知機逸不憐藏舌賢
恠風驚曉夢晉月照涼眠未盡殷勤意還同僧語玄

寓岳調琴

晉雲中 羅光大籍衡陽武關解元

適意想扶琴二心入夜深高音方涉牖細響欲投林

衡岳志

五言律

卷之七

三十

鐘沸聲相濕爐烟韻與侵蒼開非愛月應只伴余吟

贈李皓白

曹申吉錫餘安正人禮部侍郎

我行名嶽裏期有異人逢果見煙霞客言從縹渺峯
塵緣銷遠樹勝業隔踈鍾四十餘年事依二故國容

巳酉八月過九仙觀訪皓白鍊師次曹錫餘年

丈韻奉贈

王澤弘內翰林秘書院黃岡人

亂離吾尚少虎口暫相逢何意滄桑後重來衡岳峯
坐忘移月渚念冷聽霜鐘二十五年事驚看盡老容

五言排律

南岳道士步虛

北周梁庾信

渾成空教立元始正圖開赤玉靈文下朱陵真氣來
中天九龍館倒影八風臺雲度絃歌响星移宮殿廻
青衣上少室童子向蓬萊逍遙聞四會倏忽度三災

南岳九仙

范雲

終朝吐祥霧薄晚孕奇烟洞澗生芝艸重巖出醴泉
中有懷真士被褐守冲玄石戶棲千秘金壇謁九仙
乘鸞方履漢轡鶴且騰天

自湘源至衡山

唐宋之間

衡岳志

五言排律

卷之七

一

浮湘汎迅湍逗浦凝遠盼漸見江勢濶行嗟水流慢
赤岳雜雲霞綠竹緣溪澗向背羣山轉應接良景晏
沓嶂連夜猿平沙覆陽鴈紛吾門闕客歸橈速已慣
中道方沂澗遲念自茲撰賴忻衡陽美持以蠲憂患
南岳 賀朝清

湖北雨初晴湖南山盡見岳石帆影如得海風便
山穴茅山峯彩雲時一現邀君共探此異籙殘幾卷

秋日南岳書懷

李白

北風吹海鴈南渡落寒聲感此瀟湘客妻其流浪情
海懷結滄洲霞想遊赤城始探蓬壺事旋覺天地輕

澹然吟高秋閑臥瞻太清蘿月掩空幕松霜結前楹
滅見息羣動獵微窮至精桃花有源水可以保吾生

入衡

杜甫

兵革自久遠興衰看帝王漢儀甚照耀馬何猖狂
老將一失律清邊主戰場君臣忍瑕垢河岳空金湯
重鎮如割據輕權絕紀綱軍州體不一寬猛性所將
嗟彼苦節士素柎圓鑿方寡妻從爲郡兀者安堵牆
凋弊惜邦本哀矜存事常旌麾非其任府庫實過防
恕已獨在此多憂增內傷偏裨限酒肉卒伍單衣裳
元惡迷是似聚謀洩康莊竟流帳下血大降湖南殃

衡岳志

吾言排律

卷之七

二

裂火發中夜高烟樵上蒼至今分粟帛殺氣吹沅湘
福善理顛倒明徵天奔芒銷魂避飛鏑累足穿豺狼
隱忍枳棘刺遷延胝胼瘡遠歸兒侍側猶乳女在旁
久客幸脫免暮年慙激昂蕭條向水陸汨沒隨漁商
報主身已老入朝病見妨悠々委薄俗鬱々回剛腸
叅錯走洲渚春容轉林篁片帆在柳岸通郭前衡陽
萃表雲鳥埤名園花艸香旗亭壯邑屋烽櫓蟠城隍
中有古刺史盛才冠岩廊扶顛待柱石獨坐飛風霜
昨者問瓊樹高談隨羽觴無論再繾綣已是安蒼黃
劇孟七國畏馬卿四賦良門闌蘇生在勇銳白起強

問罪富形勢凱謨懸否臧氛埃期必掃蚊蚋焉能當
橘井舊地宅仙山引舟航此行厭暑雨厥土聞清涼
諸勇剖符近開緘書扎允頻繁命屢及磊落字百行
江摠外家養謝安乘興長下流匪珠玉擇水羞鸞凰
我師嵇叔夜世賢張子房柴荆寄樂土鵬路觀翱翔

過南岳入洞庭湖

杜甫

洪波忽爭道岸轉異江湖鄂渚分雲樹衡山引舳艫
翠牙穿袞漿碧節吐寒蒲病渴身何去春生力更無
壤童犁雨雪漁屋架泥塗欹側風帆滿微冥水駟孤
悠_二回赤壁浩_二畧蒼梧帝子畱遺恨曹公屈壯圖

衡岳志

五言排律

卷之七

三

聖朝允御極殘孽註艱虞才淑隨廝養名賢隱鍛鑪
邵平元入漢張翰後歸吳莫恠啼痕數危檣逐夜烏

麓山法崇禪師故居

張長卿

山僧候谷口石路掃莓苔深入泉源去遙從樹杪回
香隨青靄散鐘過白雲來野雪空齋掩山風古殿開
桂寒知自發松老問誰栽惆悵湘江上何人夏渡盃

奉勅祭南岳詩

呂溫

皇家禮赤帝謬護司風域致齋紫蓋下宿設祝融側
鳴澗驚宵寐清猿遞時刻藻潔事夙興簪佩思盡飾
危壇象岳趾秘殿翹翬翼登拜不遑飲酌獻皆累息

贊道儀匪煩祝史詞甚直忽覺心魂悸如有精靈逼
漠 = 雲氣生森 = 杉栢黑風吹虛簫韻露洗寒玉色
寂寞有至公馨香在明德禮成謝邑吏駕言歸郡職
憇桑訪蠶事遵疇課農力所願風雨時迴首瞻南極

酬于侍郎南岳見寄

包 佶

桂嶺千岳斷湘流一派通長沙今賈傳東海舊于公
章甫今殊俗離騷繼雅風金閨文作字玉匣氣成虹
翰墨時無侶丹青夙在工主恩留左掖人望積南宮
巧拙循名異浮沈顧位同九千歸上畧三已契愚衷
責謝庭中吏悲寬塞上翁楚材欣有適燕石愧無功
山曉重嵐外林春苦霧中雪花翻海窟波影倒江楓
去扎頻逢信迴帆早挂空避賢方有日非敢愛微躬

祭南岳謁司馬道士

張九齡

將命祈靈岳迴策詣真士絕迹尋一逕異香聞數里
分庭八桂樹肅客兩童子入室希把袖登牀願啓齒
誘我棄智訣迨茲長生理吸精反自然鍊藥求不灰
斯言眇霄漢顧予嬰紛滓相去九牛毛慙嘆知何已

自衡陽謁能禪師

司空曙

謫居竄炎壑孤帆森不繫別家萬里餘流目三春際
猿啼山館曉虹飲江臯霽湘岸竹泉幽衡峯石閣閉

嶺嶂窮攀越風濤極沿濟吾師在衡陽欣此得躬詣
洗慮竇空寂香焚結精誓願以有漏軀聿薰無生惠
物用益冲曠心源日閑細伊我獲此途游道廻晚計
宗師信捨法擯落文史菘坐禪羅浮中尋異南海裔
何辭禦魑魅自可乘炎癘迴首望舊鄉雲林浩虧蔽
不作離別苦歸期多年歲

南岳

明陳 愷

方輿維岳重南紀此山宗玉帛聞虞典圖書見禹功
太初分象界終古奠鴻濛夙夢曾飛月良緣偶采風
聚星來舊雨攬轡有新驄嵐散孤屏出霞升瑞錦重

石關疑虎豹松徑訝虬龍廟古儀仍肅芹香薦實蒼
小輿昔引索危磴自支筇仙洞朱陵秘神峯紫蓋同
開雲捫翼軫轉石起靈露若木三山外扶桑一水東
赤精傳寶籙碧鳳集朱桐湧掣鰲翻海閒招鶴下空
洞湖聞廣樂梧野叫重瞳玉燭消氛稜瑤臺繞鬱葱
登臨得無事畱滯豈堪忡灑氣披塵想罡風怯病躬
憇林春樹合歸路晚烟籠清嘯情方洽幽探意未窮
種芝雲石煖接竹澗泉通且覓真如話休驚不若逢
天屏圍遠翠野火送遙紅松館方流月出尊正吸筒
天吳何作惡酒聖未湏中遠宦悲韓子端居笑鄴翁

功名看去鷹踪跡，悵飛蓬擬作還南鎮。因之望祝融，
肇龍離橘蓋。夢蟻破槐宮，謝此周容態。行當信所從，

衡岳喜霽

黃佐

炎德殿南域，玄功協北祇。大哉祝融祀，邇矣陶唐時。
錫民溥鴻澤，翊國隆駿基。明翼軫列沼，江漢馳
屹柱立乾棟，連絡亘地維。衣帶縈三湘，嬰孺撫九嶷。
攢峯鎖蒼霧，標嵐橫綵霓。青玉固葱蒨，朱陵亦葳蕤。
茲山擅雄峻，伊予嗜靈奇。亭艦諧夙願，飄節隨所之。
仰探丹鳳穴，俯見玄豹崖。溟濛苦氛祲，窈窕多路岐。
皎鏡雪方積，虛絳風何悲。豈知凌絕巘，及此娛晴曦。

歛吸竭靈景，混茫開太儀。烟靄散林薄，雲光溢川坻。
平厓少延佇，窮髮皆可規。振衣望郢甸，披雲辨京圻。
譬彼朝陽鳥，跂爾梧樹枝。整翮自茲去，翱翔本無期。

丘謙之自衡山來辱枉新詩并遺萬年三株衡

山石一片報謝

郭正域

五岳壯遊徧陽春，泰雅存紅顏。謝冕黼白眼，向琴尊。
紫袖朱絃動清歌，玉露繁雄心。付兩屐，綵筆問三源。
江漢風仍在，岫嶺碣可捫。玄夷迷曉夢，寶洞駐征轡。
練景飛雙鶴，仙岩聞夜猿。不知曾眺咏，何以遂孤騫。
江介迴仙舫，光風到葦門。三株披石秀，一片動雲根。

麗藻來相訊瑤華不足論有懷搯杖履未暇效盤餐
似接芙蓉面如聞金簡言憂思慙阮籍痛飲負平原
意氣誰投轄文章已斲輪索居吾豈敢還擬賦高軒

登祝融

彭良臣

衡峯七十二縱目孰爲快直上祝融峯撐天無限界
峻嶒莫遐荒尊嚴壓織芥百越山如環九江流似塊
翼軫星坐芒暘谷日輪曬隱_二耀神靈幽_二生奇恠
秩禮自前朝昭代夏宿戒箇中色相忘眼底乾坤隘
午憇兜率菴

管大勳

下山頻入山異境非人間竹色千岳秀松陰一徑閑

曲池流玉竦丹鼎駐朱顏佛殿浮烟裏空門流水灣
登堂步虛寂躡蹻拂爛斑傑閣凌霄漢方亭闢艸菅
咎賢多卜筮此處足躋扳與客同尋勝聞僧且閉關
火燒三界易情洗六根難法爲因緣淨心從澹泊慳
達生超上乘混迹落塵寰到處耽清隱何人悟大還
樵柯爛白石旅鬢憶青鬟酒醖寧辭醉詩成未可刪
歸途風浙瀝出寺水潺湲

絕頂

張博

極望出孤烟攀躋碧漢連山河自布地巒岫不妨天
五岳誰爭長羣峯爾獨先窮崖連海霧上界雜星躔

俯眎三湘小平看二曜懸我來庾嶺外秋落洞庭前
商籟傳清梵明河引瀑泉遊人恣遠眺羽客意蹁躑
寶洞憑虛盡中區一覽全丹梯非絕地紫極混重玄
到來窮勝賞閒得問諸仙野意隨寥廓浮名任棄捐
盤雲依古石趺坐類枯禪揮塵搖霞際清歌泛日邊
自憐出世想不用買山錢久住渾空寂高居獨灑然
或乘黃鶴去歸抱白雲眠自得空中意堪爲靜者傳
風塵何處着人世自相牽寄語烟霞客世外共周旋

祝融峯

袁子讓 郴陽人

七十二峯上崔嵬我獨尊炎方鎮熒惑赤后剖渾淪

太岳運兄弟羣巒列子孫嶠頭懸日月鰲足柱乾坤
霞落數賓鴈雲開見帝闈入天枕南極出地接西崑
雷伏池常合星懸夜可捫近谿迷俗路遠目見天根
嶠嶼多仙占樓臺半霧吞杲前先得曉香後始如昏
陵下朱爲洞霄中紫抹痕山腰釀雨雪雲脚辨江村
石室無人到雲居遺世存登梯難住足俯檻易搖魂
春過風仍烈日高氣未溫芝靈作火照松老化虬蹲
灌足濡湘水摩肩揖桂門緝花開不謝丹鳥拂還屯
分埜三鵠會環山萬馬奔中原下眎小岷嶓不須論

七言排律

祝融峯

宋黃庭堅

萬丈祝融插紫霄路當窮處駕僊橋上觀碧落星辰
近下眎紅塵世界遙螺簇山祗青靄二線拖水遠綠
迢二當門老檜枝難長絕頂寒松葉不凋纜到秋初
霜已降每逢春盡雪方消偃嵒老衲針常把度夏禪
僧扇懶搖籠向池邊施雨澤鳥於窻外奏簫韶遊人
未必嘗居此暫借禪房宿一宵

望衡岳

明黃

鎬御史

掃盡濃雲見碧峯衡雲佳麗古今同九嶷近隔瀟湘

衡岳志

七言排律

心之七

一

外四岳平臨天地中回鴈南來雲作隊靈禽北去艸
為籠巍二紫葢荊州鎮隱二朱陵軫宿宮下界泉飛
三洞白半崑風吼一燈紅向陽艸木長先發背窟冰
霜最後融巡狩已聞虞舜至聘朝還自禹王通清時
祀典強先代諒有神明翊聖功

熙陽布麗景宿雨散層陰因歎開雲日悠然思古今
岳山雜咏
管大勳

丹砂揚金炷夕晦如秉燭共道聖燈來明星朗相續
二
管大勳

飛泉噴若雷白日旁青嶂舉頭看玉龍倒挂懸崖上
三
管大勳

執役收殮餘啖芋出糞火度世有高僧色相不在我
四
管大勳

峯高古木愁寺迥荒臺暮但聞猩猩啼不見鳥飛處
山中謝客
蔡承植

衡岳志

五言絕句

卷之七

二

結社祝融峯蓮花觀想濃隔山多古木一任白雲封
夜宿祝融書懷
蔡承植

祝融山絕頂尚有白雲封何如生兩翼飛上玅高峯
寄山中肆業諸友
蔡承植

結夏入孤巒風高六月寒報君雲路近不必訪陳團
岳頂
楊鶴修齡武陵人

谷靜千崑曉雲深六月寒清涼正國主直作雪山看
將發方廣
李燾

蕭散出塵網來爲廿日遊誰知山寺裏別自有滄洲
自方廣還衡陽舊署
李燾

蕭散出塵網來爲廿日遊誰知山寺裏別自有滄洲

自方廣還衡陽舊署

李 燾

夢輒戀青蓮衣猶染紫烟兒童驚兩鬢蒼素復添玄

宿道林寺聞子規

清 崔 從

疎籬雲影靜月伴竹床眠客夢五更裏空林啼杜鵑

從衡山走衡陽舟中望岳

白鼎胤

銘石江夏
癸卯孝廉

七十有二峰二名不可辨安知最著名不在此當面

二

白鼎胤

衡岳峰二青湘水灣二碧人在畫中行清風吹兩腋

三

白鼎胤

衡岳志

五言絕句

一之七

三

雨餘初夏氣未減暮春時放眼看山色峰高雲更奇

四

白鼎胤

帆轉不離岳遙看面二蒼試登峰頂望又羨好瀟湘

